



杜工部五言古詩

傳

杜甫字子美本襄陽人後徙河南鞏縣曾祖依藝位終鞏令祖審
 言終膳部員外郎自有傳父閑終奉天令甫天寶初應進士不第
 天寶末獻三大禮賦玄宗奇之召試文章授京兆府兵曹參軍十
 五載祿山陷京師肅宗徵兵靈武甫自京師宵遁赴河西謁肅宗
 於彭原拜右拾遺房琯布衣時與甫善琯為宰相請自帥師討賊
 帝許之是年十月琯兵敗於陳濤斜明年春琯罷相甫上疏言琯
 有才不宜罷免肅宗怒貶琯為刺史出甫為華州司戶參軍時關
 輔亂離穀食踴貴甫寓居成州同谷縣自負薪採柶兒女餓殍者
 數人久之召補京兆府功曹上元二年冬黃門侍郎鄭國公嚴武
 鎮成都奏為節度叅謀檢校尚書工部員外郎賜緋魚袋武與甫
 世舊待遇甚隆甫性褊躁無器度恃恩放恣嘗憑醉登武之牀瞪
 眦武曰嚴挺之乃有此兒武雖急暴不以為忤甫於成都浣花里
 種竹植樹結廬枕江縱酒嘯咏與田夫野老相狎蕩無拘檢嚴武
 過之有時不冠其傲誕如此永泰元年夏武卒甫無所依及郭英
 又代武鎮成都英又武人粗暴無能刺謁乃遊東蜀依高適既而
 適卒是歲崔寧殺又楊子琳攻西川蜀中大亂甫以其家避亂荆
 楚扁舟下峽未維舟而江陵亂乃沂沿湘流遊衡山寓居耒陽甫



嘗遊嶽廟為暴水所阻旬日不得食耒陽聶令知之自權舟迎甫而還永泰二年啗牛肉白酒一夕而卒於耒陽時年五十有九子宗武流落湖湘而卒元和中宗武子嗣業自耒陽遷南之柩歸陸於偃師西北首陽山之前天寶末詩人甫與李白齊名而白自負文格放達譏甫齷齪有飯顆山頭之嘲諷元和中詞人元稹論李杜之優劣曰余讀書至杜子美云云特病懶未就耳自後屬文者以稹論為是甫有集六十卷

○望嶽

岱宗夫如何齊魯青未了造化鍾神秀陰陽割昏曉盪胸生曾雲決眦入歸鳥會當凌絕頂一覽衆山小

○遊龍門奉先寺

已從招提遊更宿招提境陰壑生虛籟月林散清景天闕

象緯逼雲卧衣裳冷欲覺聞晨鐘令人發深省

贈李白

二年客東都所歷厭機巧野人對腥羶蔬食常不飽豈無青精飯使我顏色好苦乏大藥資山林跡如掃李侯金閨彥脫身事幽討亦有梁宋遊方期拾瑤草

○奉贈韋左丞丈二十二韻

絀袴不餓死儒冠多誤身丈人試靜聽賤子請具陳甫昔少年日早克觀國賓讀書破萬卷下筆如有神賦料揚雄敵詩看子建親李邕求識面王翰願卜鄰自謂頗挺出立登要路津致君堯

以下開元天寶間公居東都遊齊趙及歸京師作

舜上再使風俗溥此意竟蕭條行歌非隱淪騎驢三十載旅食
京華春朝扣富兒門暮隨肥馬塵殘杯與冷炙到處潛悲辛主
上頃見微歛然欲求伸青冥却垂翅蹭蹬無縱鱗甚愧丈人厚甚
知丈人真每於百僚上猥誦佳句新竊效貢公喜難甘原憲貧馬能心快
快祇是走跋今欲東入海即將西去秦尚憐終南山回首清渭濱常
擬報一飯况懷辭大臣白鷗沒浩蕩萬里誰能馴

○同諸公登慈恩寺塔

高標跨蒼穹烈風無時休自非曠士懷登茲翻百憂方知象教力
足可追冥搜仰穿龍蛇窟始出枝撐幽七星在北戶河漢聲西流
羲和鞭白日少昊行清秋秦山忽破碎涇渭不可求俯視但一氣焉能
辨皇州迴首叫虞舜蒼梧雲正愁惜哉瑤池飲日宴崑崙丘黃鵠
去不息哀鳴何所投君看隨陽雁各有稻梁謀

○前出塞九首

戚去故里悠々赴交河公家有程期亡命嬰禍羅君已富土境開邊
一何多棄絕父母恩吞聲行負戈

出門日已遠不受徒旅欺骨曰恩豈斷男兒死無時走馬脫轡
頭手中挑青絲捷下萬仞岡俯身試塞旗

磨刀鳴咽水赤刃傷手欲輕腸斷聲心緒亂已久丈夫誓許國

憤惋復何有功名圖麒麟戰骨當速朽
送徒既有長遠戍亦有身生死向前去不勞吏怒嗔路逢相識人
附書與六親哀哉兩決絕不復同苦辛

迨七萬里餘領我赴三軍中異苦樂主將寧盡聞隔河見口騎
倏忽數百羣我始為奴僕幾時樹功勳

挽弓當挽強用箭當用長射人先射馬擒賊先擒王殺人亦有限
列國自有疆苟能制侵陵豈在多殺傷

驅馬天雨雪軍行入高山逕危抱寒石指落層冰間已去漢月
遠何時築城還浮雲暮南征可望不可攀

單于寇我壘百里風塵昏雄劍四五動彼軍為我奔虜其名王
歸繫頸授轅門潛身備行列一勝何足論

從軍十年餘能無分寸功眾人貴苟得欲語羞雷同中原有闔
爭况在狄與戎丈夫四方志安可辭固窮

送高三十五書記十五韻

崆峒小麥熟且願休王師請公問主將馬用窮荒為饑鷹未飽肉
側翅隨人飛高生跨鞍馬有似幽并兒脫身簿尉中始與捶楚辭
借問今何官觸熱武威谷一書記所媿國士知人實不易知更須
慎其儀十年出幕府自可持旌麾此行既特達足以慰所思男兒

功名遂亦在老大時。常恨結懽淺。各在天一涯。又如參與商。慘
中腸。悲驚風吹鴻鵠。不得相追隨。黃塵翳沙漠。念子何當歸。邊
城有餘力。早寄從軍詩。

漾陂西南臺

高臺面蒼陂。六月風日冷。薰葭離披去。天水相與永。懷新目似擊。
接要心已領。仿佛識鮫人。空濛辨漁艇。錯磨終南翠。顛倒白閣影。
嶒峩增光輝。乘陵惜俄頃。勞生愧嚴鄭。外物慕張酈。世復輕驪
騮。吾甘雜鼃鼃。知歸俗可忽。取適事莫並。身退豈待官。老來苦便
靜。况資菱芡足。庶結茅茨迴。從此具扁舟。彌年逐清景。

九日寄岑參

出門復入門。雨脚但如舊。所向泥活活。思君令人瘦。沈吟坐西軒。飲
食錯昏晝。寸步曲江頭。難為一相就。吁嗟乎蒼生。稼穡不可救。安
得誅雲師。疇能補天漏。大明晦日月。曠野號禽獸。君子強逶迤。
小人困馳驟。維南有崇山。恐與川浸溜。是節東籬菊。絲披為誰
秀。岑生多新詩。性亦嗜醇酎。采采黃金花。何由滿衣袖。

苦雨奉寄隴西公兼呈王徵士

今秋乃淫雨。仲月來寒風。羣木水光下。萬家雲氣中。所思礙行
潦。九里信不通。悄悄素澹路。迢迢天漢東。願騰六尺馬。背若孤征鴻。

劃見公子面。超然歡笑同。奮飛既胡越。局促傷樊籠。一飯四五起。憑軒心力窮。嘉蔬沒溷濁。時菊碎榛叢。鷹隼亦屈猛。烏鳶何所蒙。式瞻北鄰居。取適南巷翁。掛席釣川漲。焉知清興終。

戲簡鄭廣文。兼呈蘇司業。源明

廣文到官舍。繫馬堂階下。醉則騎馬歸。頗遭官長罵。才名三十年。坐客寒無禮。賴有蘇司業。時與酒錢。

夏日李公見訪

遠林暑氣薄。公子過我遊。貧居類村塢。僻近城南樓。傷舍頗淳樸。所願亦易求。隔屋喚西家。借問有酒不。牆頭過濁醪。展席俯

長流。清風左右至。客意已驚秋。巢多衆鳥闐。葉密鳴蟬稠。苦遭此物聒。孰謂吾廬幽。水花晚色靜。庶足充淹留。預恐尊中盡。更起為君謀。

奉同郭給事湯東靈湫作

以下天寶至德間公居京師授
率府參軍及陷賊中間歸屬
相宮左拾遺作

東山氣鴻濛。宮殿居上頭。君來必十月。樹羽臨九州。陰火煮玉泉。噴薄漲巖幽。有時浴赤日。光抱空中樓。閭風入轍跡。曠原延冥搜。沸天萬乘動。觀水百丈湫。幽林斯可怪。王命官屬休。初聞龍用壯。擘石摧林丘。中夜窟宅改。移因風雨秋。倒懸瑤池影。屈注滄江流。味如甘露漿。揮弄滑且柔。翠旗淡偃蹇。雲車紛少留。簫鼓蕩四溟。異鄉決莽

浮。鮫。人。獻。微。綃。曾。祝。沈。豪。牛。百。祥。奔。盛。明。古。先。莫。能。儔。坡。陀。金。蝦。蟆。
出。見。蓋。有。由。至。尊。願。之。笑。王。母。不。肯。收。復。歸。虛。無。底。化。作。長。黃。虬。飄。
飄。青。瑣。郎。文。采。珊。瑚。鈎。浩。歌。淶。水。曲。清。絕。聽。者。愁。

○自京赴奉先縣詠懷五百字

杜。陵。有。布。衣。老。大。意。轉。拙。許。身。一。何。愚。竊。比。稷。與。契。居。然。成。獲。落。白。首。
甘。契。潤。蓋。棺。事。則。已。此。志。常。覬。豁。窮。年。憂。黎。元。歎。息。腸。內。熱。取。笑。同。學。
翁。浩。歌。彌。激。烈。非。無。江。海。志。蕭。灑。送。日。月。生。逢。堯。舜。君。不。忍。便。永。訣。
當。今。廊。廟。具。構。厦。豈。云。缺。葵。藿。傾。太。陽。物。性。固。莫。奪。願。惟。螻。蟻。輩。
但。自。求。其。穴。胡。為。慕。大。鯨。輒。擬。偃。溟。渤。以。茲。悟。生。理。獨。恥。事。干。謁。

兀。遂。至。今。忍。為。塵。埃。沒。終。愧。巢。與。由。未。能。易。其。節。沈。飲。聊。自。遣。
放。歌。頗。愁。絕。歲。暮。百。草。零。疾。風。高。岡。裂。天。衢。陰。崢。嶸。客。子。中。夜。
發。霜。嚴。衣。帶。斷。指。直。不。得。結。凌。晨。過。驪。山。御。榻。在。音跌嵒。嵒。虫。尤。塞。

寒。空。蹴。踏。崖。谷。滑。瑤。池。氣。鬱。律。羽。林。相。摩。戛。君。臣。留。歡。娛。樂。動。殷。
膠。葛。賜。浴。皆。長。纓。與。宴。非。短。褐。形。庭。所。分。帛。本。自。寒。如。出。鞭。撻。其。
夫。家。聚。斂。貢。城。關。聖。人。筐。篚。息。實。欲。邦。國。活。臣。如。忽。至。理。君。豈。棄。
此。物。多。士。盈。朝。廷。仁。者。宜。戰。慄。况。聞。內。金。盃。盡。在。衛。霍。室。中。堂。有。
神。仙。煙。霧。蒙。玉。質。暖。客。貂。鼠。裘。悲。管。逐。清。瑟。勸。客。駝。蹄。羹。霜。
橙。壓。香。橘。朱。門。酒。肉。臭。路。有。凍。死。骨。榮。枯。咫尺。異。惆。悵。難。再。述。北。

輾就涇渭。官渡又改轍。群水從西下。極目高崒兀。疑自是崆峒來。恐觸
天柱折。河梁幸未圻。枝撐聲窸窣。行李相攀援。川廣不可越。老妻
寄異縣。十口隔風雪。誰能久不顧。庶往共飢渴。入門聞啼吽。幼子饑
已卒。吾寧捨一衣。里巷亦嗚咽。所愧為人父。無食致夭折。豈知秋禾登。
貧窶有倉卒。生常免租稅。名不隸征伐。撫跡猶酸辛。平人固騷屑。黠
思失業徒。因追遠戍卒。夏端齊終南。瀕洞不可撥。

塞蘆子

五城何迢迢。迢迢隔河水。邊兵盡東征。城內空荆杞。思明隔懷衛。秀巖
西未已。迴略大荒來。峭函蓋虛爾。延州秦北戶。關防猶可倚。焉得一萬
人。疾驅塞蘆子。岐有薛大夫。旁制山賊起。近聞昆戎徒。為退三百里。
蘆閔扼兩寇。深意實在此。誰能叫帝閣。行速如鬼。

大雲寺贊公房四首

心在水精域。衣霑春雨時。洞門盡徐步。深院果幽期。到扉開復閉。
撞鐘齋及茲。醍醐長發性。飲食過扶衰。把臂有多日。開懷無愧辭。
黃鸝度結構。紫鶴下梁巒。愚意會所適。花邊行自遲。湯休起我
病。微笑索題詩。

細軟青絲履。光明白氎巾。深藏供老宿。取用及吾時。身自顧轉無
趣。交情何尚新。道林才不世。惠遠德過人。雨瀉暮簷竹。風吹春井

芹天陰對圖畫。最覺潤龍鱗。
燈影照無睡。心清聞妙香。夜深殿突兀。風動金琅璫。天黑閉春院。地
清棲暗芳。玉繩迴斷絕。鐵鳳森翱翔。梵放時出寺。鐘殘仍隱床。明
朝在沃野。苦見塵沙黃。

童兒汲井華。慣提瓶在手。露灑不濡地。掃除似無帚。明霞爛複閣。
霽霧塞高牖。側塞被徑花。飄飄委墀柳。艱難世事迫。隱遁佳期後。
晤語契深心。那能總鉗口。奉辭還杖策。暫別終回首。決。泥污人听。
國多狗。既未免羈絆。時來憇奔走。近公如白雪。執熱煩何有。

雨過蘇端

雞鳴風雨交。久旱雨亦好。杖藜入春泥。無食起我早。諸家憶所歷。一
飯跡便掃。蘇侯得數過。懽喜每傾倒。也復可憐人。呼兒具梨棗。
濁醪必在眼。盡醉攄懷抱。紅稠屋角花。碧委墻隅艸。親賓縱談
譔。喧鬧慰衰老。况蒙霈澤垂。糧粒或自保。妻孥隔軍壘。撥棄不擬
道。

喜晴

皇天久不雨。既雨晴亦佳。出郭眺四郊。肅。春增華。青熒陵坡
麥。窈窕桃李花。春夏各有實。我飢豈無涯。干戈雖橫放。慘澹闔
龍蛇。甘澤不猶愈。且耕今未賒。丈夫則帶甲。婦女終在家。力難及

黍稷得種菜與麻。千載高山芝。往者東門瓜。其人骨已朽。此道誰疵瑕。英賢遇轆軻。遠引蟠泥沙。顧慚殊所適。回首白日斜。漢陰有鹿門。滄海有靈查。焉能學衆口。吐空咨嗟。

晦日尋崔戡李封

朝光入甕牖。尸寢驚弊裘。起行視天宇。春氣漸和柔。興來不暇懶。今晨梳我頭。出門無所待。徒步覺自由。杖藜復恣意。免值公與侯。晚定崔李交。會心真罕儔。每過得酒傾。二宅可淹留。喜結仁里歡。况因令節求。李生園欲荒。舊竹頗脩。引客看掃除。隨時成獻酬。崔侯初筵色。已畏空樽愁。未知天下士。至性有此不。草芽既青出。蜂聲亦煖遊。思見農器陳。何當甲兵休。上古葛天民。不貽黃屋憂。至今阮籍等。墮醉為身謀。威鳳高其翔。長鯨吞九州。地軸為之翻。百川皆亂流。當歌欲一放。淚下恐莫收。濁醪有妙理。庶用慰沉浮。

送率府程錄事還鄉

鄙夫行衰謝。抱病昏妄集。常時往還人。記一不識十。程侯晚相遇。與語才傑立。薰然耳目開。頗覺聰明入。千載得鮑叔。末契有所及。意鍾老柏青。義動脩蛇蟄。若人可數見。慰我垂白泣。告別無淹晷。百憂復相襲。內愧突不黔。庶羞以賙給。素絲挈長魚。碧酒垂玉粒。途窮見交態。世梗悲路溢。東風吹春冰。泱泱后土濕。念君惜羽翮。既飽更

思哉。莫作翻雲鷲。聞呼向禽急。

○述懷

去年潼關破。妻子隔絕久。今夏草木長。脫身得西走。麻鞋見天子。衣袖露兩肘。朝廷慙生還。親故傷老醜。涕淚受拾遺。離主恩厚柴。門雖得去。未忍即開口。寄書問三川。不知家在否。比聞同罹禍。殺戮到鷄狗。山中漏茅屋。誰復依戶牖。摧頽蒼松根。地冷骨未朽。幾人全性命。盡室豈相偶。欽岑猛虎場。鬱結迴我首。自寄一封書。今已十月後。反畏消息來。寸心亦何有。漢運初中興。生平老耽酒。沈思歡會處。恐作窮獨叟。

三川觀水漲二十韻

我經華原。來不復見平陸。北上惟土山。連天走穹谷。火雲出無時。飛電常在目。自多窮岫雨。行潦相逐。感菡萏。旬川氣黃。羣流會空曲。清晨望高浪。忽謂陰崖踣。恐泥竄蛟龍。登危聚麋鹿。枯查卷拔樹。礪硯共充塞。聲吹鬼神下。勢閱人代速。不有萬穴歸。何以尊四瀆。及觀泉原漲。反懼江海覆。漂沙圻岸去。激壑松栢秃。乘凌破山門。迴幹裂地軸。交洛赴洪河。及關豈信宿。應沉數州沒。如聽萬室哭。穢濁殊未清。風濤怒猶蓄。何時通舟車。陰氣不黷黷。浮生有蕩汨。正道正羈束。人寰難容身。石壁滑側足。

雲雷屯不已。艱險路更跼。普天無川梁。欲濟願水縮。因_悲中林
士未脫衆魚腹。舉頭向蒼天。安得騎鴻鶴。

白水崔少府十九翁高齋三十韻

客從南縣來。浩蕩無與適。旅食白日長。况當朱炎赫。高齋
坐林杪。信宿游行間。清晨陪躋攀。傲睨俯峭壁。崇岡_相枕帶。曠
野迴咫尺。始賢知賢主人。贈此遣愁寤。寤危階。根青其曾冰。生浙
瀝。上有無心雲。下有欲落石。泉聲聞復息。動靜隨所激。鳥
呼藏其身。有似懼彈射。吏隱適情性。茲焉其窳宅。白水見
舅氏。諸翁乃仙伯。杖藜長松下。作尉窮谷僻。為我炊雕胡。逍遙

展良覲。坐久風頗怒。晚來山更碧。相對十丈蛟。歛翻盤澗壑。
何得空裏雷。殷_二尋地脉。煙氛霽_三峯。颺_四森慘切。威崑崙。崑崙崑崙峯。崑崙峯。崑崙峯。
巔回首。如不隔。前軒頽反照。曉絕華嶽赤。兵氣漲林巒。川光雜鋒
鏞。知是相公軍。鐵馬雲霧積。玉觴淡無味。胡羯豈強敵。長歌
激屋梁。淚下流衽席。人生半哀樂。天地有順逆。慨彼萬國夫。
休明備征狄。猛將紛填委。廟謀蓄長策。東郊何時開。帶甲且
未釋。欲告清宴罷。難拒幽明迫。三嘆酒食僞。何由似平昔。

送樊二十三侍御赴漢中判官

威弧不能弦。自爾無寧歲。川谷血橫流。豺狼沸相噬。天子從北來。

長驅振凋敝。頓兵岐梁下。卻跨沙莫裔。二京陷未收。四極我
得制。蕭索漢水清。緬通淮湖稅。使者紛星散。王綱尚旒綴。南
伯從事賢。君行立談際。坐知七曜曆。手畫三軍勢。冰雪淨聰
明。雷霆走精銳。幕府輟諫官。朝廷無此例。至尊方旰食。仗爾
布嘉惠。補闕暮徵入。柱史晨征憇。正當艱難時。實藉長久計。
迴風吹獨樹。白日照執袂。慟哭蒼煙根。山門萬重閉。居人莽牢
落。遊子方迢遞。徘徊悲生離。局促老一世。陶唐歌遺民。後
漢更列帝。我無逢復資。聊欲從此逝。

送長孫九侍御赴威武判官

驄馬新鑿蹄。銀鞍被來好。繡衣黃白郎。騎向交河道。聞君適萬
里。取別何草。天子憂涼州。嚴城到須早。去秋羣口反。不得無電
掃。此行收遺氓。風俗方再造。杜鴻漸族父領元戎。名聲國中老。奪我同官
良。飄飄按城堡。使我不能餐。令我惡懷抱。若人才思濶。溟漲浸絕島。
樽前失詩流。塞上得國寶。皇天悲送遠。雲雨白浩。東郊尚烽火。
朝野色枯槁。西極柱亦傾。如何正穹昊。

送從弟亞赴河西判官

南風作秋聲。殺氣薄炎熾。盛夏鷹隼擊。時危異人至。今弟草中

來蒼然請論事。詔書引上殿。奮舌動天意。兵法五十家。爾腹為篋。筍應對如轉丸。踈通略文字。經綸皆新語。足以正神器。宗廟尚為灰。君臣俱下淚。崆峒地無軸。青海天軒輕。西極最瘡痍。連山暗烽燧。帝曰。大布衣。藉卿佐元帥。坐看清流沙。所以子奉使。歸當再前席。適遠非歷試。須存武威郡。為畫長久利。孤峰石戴驛。快馬金纏轡。黃羊飲不羶。蘆酒多還醉。踴躍常人情。慘澹苦士志。安邊敵何有。反正計始遂。吾聞駕鼓車。不合用騏驎。龍吟迴其頭。夾輔待所致。

送韋十六評事充同谷防禦判官

昔沒賊中時。潛與子同遊。今歸行在所。王事有去留。偏側兵馬間。主憂

急良籌。子雖軀幹小。老氣橫九州。挺身艱難際。張目視寇讎。朝廷壯其節。奉詔令參謀。鑿輿駐鳳翔。同谷為咽喉。西扼弱水道。南鎮桴罕陬。此邦承平日。剽劫吏所羞。况乃口未滅。控帶莽悠悠。府中韋使君。道足示懷柔。令姪才俊茂。二美又何求。受詞太白脚。走馬伏池頭。古色沙土裂。積陰雲雪稠。羌父豪猪靴。羌兒青兕裘。吹角向月窟。蒼山旌旆愁。鳥驚出死樹。龍怒拔老湫。古來無人境。今代橫戈矛。傷哉文儒士。憤激馳林丘。中原正格鬪。後會何緣由。百年賦命定。豈料沉與浮。且復戀良友。握手步道周。論兵遠壑靜。亦可縱冥搜。題詩得秀句。札翰時相投。

以下至德乾元間公官左拾遺

九成宮

蒼山入百里崖斷如杵。白曾宮憑風迴。及業土曩口立神扶棟梁。鑿翠開戶牖。其陽產靈芝。其陰宿牛斗。紛披長松倒。揭嶭怪石走。哀猿啼一聲。客淚迸林藪。荒哉隨家帝。製此今頽朽。向使國不亡。焉為巨唐有。雖無新增脩。尚置官居守。巡非瑤水遠。跡是雕墻後。我行屬時危。仰望嗟嘆久。天王狩太白。駢馬更搔首。

玉華宮

溪迴松風長。蒼鼠竄古瓦。不知何王殿。遺構絕壁下。陰房鬼火青。壞道幽湍瀉。萬籟真笙竽。秋色正蕭灑。美人為黃土。况乃粉黛假。當

時侍金輿。故物獨石馬。夏來藉草坐。浩歌淚行把。冉冉征途間。誰是長年者。

羌村三首

崢嶸赤雲西。日脚下平地。柴門鳥雀噪。歸客千里至。妻孥怪我在。驚定還拭淚。世亂遭飄蕩。生還偶然遂。隣人滿墻頭。感歎亦歔歔。夜闌更秉燭。相對如夢寐。

晚歲迫偷生。還家少歡趣。嬌兒不離膝。畏我復却去。憶昔好追涼。故繞池邊樹。蕭蕭北風勁。撫事煎百慮。賴知禾黍收。已覺糟牀注。如今足斟酌。且用慰遲暮。

羣雞正亂叫。客至雞聞爭。驅雞上樹木。始聞叩柴荆。父老四五人。問我久遠行。手中各有携。傾榼濁復清。苦辭酒味薄。黍地無人耕。兵革既未息。兒童盡東征。請為父老歌。艱難愧深情。歌罷仰天歎。四座涕縱橫。

○北征

皇帝二載秋。閏八月初吉。杜子將北征。蒼茫問家室。維時遭艱虞。朝野少暇日。顧慚恩私被。詔許歸蓬華。拜辭詣闕下。怵惕久未出。雖乏諫諍姿。恐君有遺失。君誠中興主。經緯固密勿。東口反未已。臣甫憤所切。揮涕戀行在。道途猶恍惚。乾坤含瘡痍。憂虞何時畢。靡盬踰阡陌。人烟

渺蕭瑟。所遇多被傷。呻吟更流血。回首鳳翔縣。旌旗晚明滅。前登寒山重。屢得飲馬窟。邠郊入地底。涇水中蕩潏。猛虎立我前。蒼崖吼時裂。菊垂今秋花。石載古車轍。青雲動高興。幽事亦可悅。山果多瑣細。羅生雜橡栗。或紅如丹砂。或黑如點漆。雨露之所須。甘苦齊結實。緬思桃源內。益歎身世拙。坡陀望廊廡。時巖谷互出沒。我行已水濱。我僕猶木末。鷓鴣鳴黃桑。楚鼠拱亂穴。夜深經戰場。寒月照白骨。潼關百萬師。往者散何卒。遂令半秦民。殘害為異物。况我墮口塵。及歸盡華髮。經年至茅屋。妻子衣百結。慟哭松聲迴。悲泉共幽咽。平生所嬌兒。顏色白勝雪。見耶背面啼。垢膩脚不襪。牀前兩小女。補

綴木過膝。海圖拆波濤。舊繡移曲折。天吳及紫鳳。顛倒在短褐。老
夫情懷惡。嘔泄卧數日。那無囊中帛。救汝寒凜慄。粉黛亦解衾。
裊漸稍羅列。瘦妻面復光。癡女頭自擗。學母無不為。曉粧随手抹。
移時施朱鈿。狼籍畫眉濶。生還對童稚。似欲忘飢渴。問事競挽
鬚。誰能即嗔唱。翻思在賊愁。甘受雜亂聒。新歸且慰意。生理焉得
說。至尊尚蒙塵。幾日休練卒。仰觀天色改。坐覺妖氛豁。陰風西北來。
慘澹隨回鶻。其王額助順。其俗善馳突。送兵五千人。驅馬一萬匹。此輩
少為貴。四方服勇決。所用皆鷹騰。破敵過箭疾。聖心頗虛佇。時議氣
欲奪。伊洛指掌收。西京不足拔。官軍請深入。蓄銳可俱發。此舉開
青徐。旋瞻略恒碣。昊天積霜露。正氣有肅殺。禍轉亡。歲勢成擒
口。月。命其能久。皇綱未宜絕。憶昔狼狽初。事與古先別。姦臣竟道
醜。同惡隨蕩折。不聞夏殷衰。中自誅褒妲。周漢獲再興。宣光果明
哲。桓。陳將軍仗鉞奮忠烈。微爾人盡非。於今國猶活。淒涼大同殿。寤
寤白獸闈。都人望翠華。佳氣向金闕。園陵固有神。掃灑數不缺。煌
煌太宗業。樹立甚宏達。

彭衙行

憶昔避賊初。北走經險艱。夜深彭衙道。月照白水山。盡室久徒步。逢人多
厚顏。參差谷鳥鳴。吟不見遊子還。痴女飢咬我。啼畏虎狼聞。懷中

掩其口反側聲愈嗔。小兒強解事。故索苦李餐。一旬半雷雨。泥滓相牽攀。既無禦雨備。徑滑飢又寒。有時經契濶。竟日數里間。莖果充餒糧。卑枝成屋椽。早行江上水。暮宿天邊烟。少留同家窟。欲出蘆子關。故人有孫宰。高義薄曾雲。延客已曛黑。張燈啟重門。煖湯濯我足。剪紙招我魂。從此出妻孥。相視涕闌干。衆雛爛熳睡。喚起沾盃飧。誓將與夫子。永結為弟昆。遂空所坐堂。安居奉我歡。誰肯艱難際。豁達露心肝。別來歲月周。口穎仍搆患。何當有翅翎。飛去墮爾前。

得舍弟消息

風吹紫荆樹。色與春庭暮。花落辭故枝。風迴返無處。骨曰恩書重。

漂泊難相遇。猶有淚成河。經天復東注。

送李校書二十六韻

代北有豪鷹。生子毛盡赤。渥洼騏驎兒。尤異是龍脊。李舟名父子。清峻流輩伯。人間好少年。不必須白哲。十五富文史。十八足賓客。十九授校書。二十聲輝赫。衆中每一見。使我潛動魄。自恐二男兒。辛勤養無益。乾元二年稱萬姓。始安宅。舟也衣綵衣。告我欲遠適。倚門固有望。歛^社就行役。南登吟白華。已見楚山碧。藹。咸陽都。冠蓋日雲積。何時太夫人。堂上會親戚。汝翁草明光。天子正前席。歸期豈爛熳。別意終感激。願我蓬屋資。謬通金閨籍。小來習性慣。晚節慵轉劇。每愁

悔吝作如覺。天地窄。羨君齒髮新。行已能夕惕。臨歧意頗切。對酒不能喫。迴身視綠野。慘澹如荒澤。老雁春忍飢。哀蹠待枯麥。時哉高飛鷺。絢練新羽翮。長雲濕褒斜。漢水饒巨石。無令軒車遲。哀疾悲風昔。

○義鷺行

陰崖有蒼鷹。養子黑柏顛。白蛇登其巢。吞噬恣朝飧。雄飛遠求食。雌者鳴辛酸。力强不可制。黃口無半存。其父從西歸。翻身入長煙。斯須領健鷺。痛憤寄所宣。斗上唳孤影。嗷嗷來九天。脩鱗脫遠枝。巨鰲拆老拳。高空得蹭蹬。短草辭蜿蜒。折尾能一掉。飽腸皆已穿。生雖滅衆難。死亦垂千年。物情有報復。快意貴目前。茲實鷺鳥最。急

難心炯然。功成失所往。用舍何其賢。近經今滴水涸。此事樵夫傳。飄蕭覺素髮。凜欲衝儒冠。人生詎與分。只在顧盼間。聊為義鷺行。用激壯士肝。

畫鷺行

高堂見生鷺。颯爽動秋骨。初驚無拘攣。何得立突兀。乃知畫師巧妙。刮造化。窟寫此神俊。姿克君眼中。物鳥鵲滿樛枝。軒然恐其出。側腦看青霄。寧為衆禽沒。長翮如刀劍。人寰可超越。乾坤空崢嶸。粉墨且蕭颯。緬思雲沙際。自有煙霧質。吾今意何傷。願步徒紆鬱。

遣興三首

我今日夜憂諸弟各異方。不知死與生。何況道路長。避寇一分散。飢寒永相望。豈無柴門歸。欲出畏虎狼。仰看雲中雁。禽鳥亦有行。蓬生非無根。漂蕩隨高風。天寒落萬里。不復歸本叢。客子念故宅。三年門巷空。悵望但烽火。戎車滿關東。生涯能幾何。常在羈旅中。昔在洛陽時。親友相追攀。送客東郊道。遨遊宿南山。煙塵阻長河。樹羽成臯間。回首載酒地。豈無一日還。丈夫貴壯健。慘戚非朱顏。

留花門

北門天驕子。飽肉氣勇決。高秋馬肥健。挾矢射漢月。自古以為患。詩

人厭薄伐。脩德使其來。羈縻固不絕。胡為傾國至。出入暗金闕。中原有駟除。隱忍用此物。公主歌黃鵠。君王指白日。連雲屯左輔。百里見積雪。長戟烏休飛。哀笳曙幽咽。田家最恐懼。麥倒桑枝折。沙苑臨清渭。泉香草豐潔。渡河不用船。千騎常撒烈。口塵踰太行。雜種抵京室。花門既須留。原野轉蕭瑟。

贈衛八處士

人生不相見。動如參與商。今夕復何夕。共此燈燭光。少壯能幾時。鬢髮各已蒼。訪舊半為鬼。驚呼熱中腸。焉知二十載。重上君子堂。昔別君未婚。男女忽成行。怡然敬父執。問我來何方。問答乃未已。兒女羅

酒漿夜雨剪春韭。新炊間黃粱。主稱會面難。一舉累十觴。十觴亦不醉。感子故意長。明日隔山岳。世事兩茫茫。

新安吏

客行新安道。喧呼聞點兵。借問新安吏。縣小更無兵。府帖昨夜下。次選中男行。中男絕短小。何以守王城。肥男有母送。瘦男獨伶俜。白水暮東流。青山猶哭聲。莫自使眼枯。收汝淚縱橫。眼枯即見骨。天地終無情。我軍取相州。日夕望其平。豈意賊難料。歸軍星散營。就糧近故壘。練卒依舊京。掘壕不到水。牧馬役亦輕。况乃王師順。撫養甚分明。送行勿泣血。僕射如父兄。

潼關吏

士卒何草草。築城潼關道。大城鐵不如。小城萬丈餘。借問潼關吏。脩關還備口。要我下馬行。為我指山隅。連雲列戰格。飛鳥不能踰。來但自守。豈復憂西都。丈人視要處。窄狹容單車。艱難奮長戟。千古用一夫。哀哉桃林戰。百萬化為魚。請囑防閑將。慎勿學哥舒。

石壕吏

暮投石壕村。有吏夜捉人。老翁踰牆走。老婦出門看。吏呼一何怒。婦啼一何苦。聽婦前致詞。三男鄴城戍。一男附書至。二男新戰死。存者且偷生。死者長已矣。室中更無人。惟有乳下孫。有孫母未去。出入無完裙。老

嫗力雖衰請從吏夜歸急應河陽役猶得脩晨炊夜久語聲絕如聞
泣幽咽天明登前途獨與老翁別

○新婚別

兔絲附蓬麻引蔓故不長嫁女與征夫不如棄路傍結髮為妻子
席不煖君牀暮婚晨告別無乃太匆忙君行雖不遠守邊赴河陽妾
身未分明何以拜姑嫜父母養我時日夜令我藏生女有所歸鷄狗
亦得將君今往死地沈痛迫中腸誓欲隨君去形勢反蒼黃勿為新
婚念努力事戎行婦人在軍中兵氣恐不揚自嗟貧家女久致羅襦
裳羅襦不復施對君洗紅粧百鳥飛仰視大小必雙翔人事多錯誤與君永相望

○垂老別

四郊未寧靜垂老不得安子孫陣亡盡馬用身獨完投杖出門去同行
為辛酸幸有牙齒存所悲骨髓乾男兒既介冑長揖別上官老妻
卧路啼歲暮衣裳單孰知是死別且復傷其寒此去必不歸還聞勸
加餐土門壁甚堅杏園度亦難勢異鄴城下縱死時猶寬人生有離合
豈擇衰老端憶昔少壯日遲迴竟長歎萬國盡征戍烽火被岡巒積
屍草木腥流血川原丹何鄉為樂土安敢尚盤桓棄絕蓬室居塌然
摧肺肝

○無家別

寂寞天寶後。園廬但蒿藜。我里百餘家。世亂各東西。存者無消息。死者
為塵泥。賤子因陣敗。歸來尋舊蹊。久行見空巷。日瘦氣慘悽。但對狐與
狸。豎毛怒我啼。四鄰何所有一。二老寡妻宿。鳥戀本枝安。辭且窮。棲方
春獨荷鋤。日暮還灌畦。縣令知我至。召令習鼓鞞。雖從本州役。內顧無所
携。近行止一身。遠去終轉迷。家鄉既盪盡。遠近理亦齊。永痛長病母。
五年委溝谿。生我不得力。終身兩酸嘶。人生無家別。何以為蒸黎。

夏日歎

夏日出東北。陵天經中街。朱光徹厚地。鬱蒸何由開。上蒼久無雷。無乃
號令乖。雨降不濡物。良田起黃埃。飛鳥苦熱死。池雨涸其泥。萬人尚流
兀。舉目惟蒿萊。至今大河北。化作虎與豺。浩蕩想幽薊。王師安在哉。
對食不能餐。我心殊未諧。眇然貞觀初。難與數子偕。

夏夜歎

永日不可暮。炎蒸毒我腸。安得萬里風。飄颻吹我裳。昊天出華月。
茂林延疎光。仲夏苦夜短。開軒納微涼。虛明見纖毫。羽蟲亦飛揚。
物情無巨細。自適固其常。念彼荷戈士。窮年守邊疆。何由一洗濯。執
熱互相望。竟夕擊刁斗。喧聲連萬方。青紫雖被體。不如早還鄉。北
城悲笳發。鸛鶴號且翔。况復煩促倦。激烈思時康。

立秋後題

日月不相饒。節序昨夜隔。玄蟬無停號。秋燕已如客。平生獨往願。惆悵年半百。罷官亦由人。何事拘形役。

貽阮隱居 昉

陳畱風俗衰。人物世不數。塞上得阮生。迴繼先父祖。貧知靜者性。自益毛髮古。車馬入鄰家。蓬蒿翳環堵。清詩近道要。識子用心苦。尋我草徑微。褰裳踏寒雨。更議居遠村。避喧甘猛虎。足明箕顛客。榮貴如糞土。

遣興三首

下馬古戰場。四顧但茫然。風悲浮雲去。黃葉墜我前。朽骨穴螻蟻。又

為蔓草纏。故老行歎息。今人尚開邊。漢口互勝負。封疆不常全。安得廉頗將。三軍同晏眠。

高秋登塞山。南望馬邑州。降口東擊口。壯健盡不留。穹廬莽牢落。上有行雲愁。老弱哭道路。願聞甲兵休。鄴中事反覆。死人積如丘。諸將已茅土。載驅誰與謀。

豐年孰云遲。甘澤不在早。耕田秋雨足。禾黍已映道。春苗九月交。顏色同日老。勸汝衡門士。勿悲尚枯槁。時來展才力。先後無醜好。但訝鹿皮翁。忘機對芳草。

昔遊

昔憶華蓋君。深求洞宮脚。玉棺已上天。白日亦寂寞。暮升艮岑頂。巾几猶未却。弟子四五人。入來淚俱落。余時遊名山。發軔在遠壑。良覲違夙願。含悽向寥廓。林昏罷幽磬。竟夜發石閣。王喬下天壇。微月映皓鶴。晨溪嚮虛駛。音快歸徑行已昨。豈辭青鞋胝。悵望今七藥。東家赴舊隱。尚憶同志樂。伏事董先生。于今獨蕭索。胡為客閑塞。道意久衰薄。妻子亦何人。丹砂負前諾。雖悲髮鬢變。未憂筋力弱。扶藜清秋有興入。廬霍。

○ 佳人

絕代有佳人。幽居在空谷。自云良家子。零落依草木。閨中昔喪敗。

兄弟遭殺戮。官高何足論。不得收骨肉。世情惡衰歇。萬事隨轉燭。夫婿輕薄兒。新人美如玉。合昏尚知時。鴛鴦不獨宿。但見新人笑。那聞舊人哭。在山泉水清。出山泉水濁。侍婢賣珠迴。牽蘿補茅屋。摘花不挿髮。采柏動盈掬。天寒翠袖薄。日暮倚脩竹。

○ 夢李白二首

死別已吞聲。生別常惻惻。江南瘴癘地。逐客無消息。故人入我夢。明我常相憶。恐非平生魂。路遠不可測。魂來楓林青。魂返閨塞黑。君今在羅網。何以有羽翼。落月滿屋梁。猶疑照顏色。水深波浪濤。無使蛟龍得。

浮雲終日行遊子久不至。三夜頻夢君。情親見君意。告歸常局促。苦
道來不易。江湖多風波。舟楫恐失墜。出門搔白首。若負平生志。冠蓋滿
京華。斯人獨憔悴。孰云網恢恢。將老身反累。千秋萬歲名。寂寞冥身
後事。

有懷台州鄭十八司戶

天台隔三江。風浪無晨暮。鄭公縱得歸。老病不識路。昔如水上鷗。今
如置中兔。性命由他人。悲辛但狂顧。山鬼獨一脚。腹蛇長如樹。呼號傷
孤城。歲月誰與度。從來禦魑魅。多為才名誤。夫子嵇阮流。更被時俗
惡。海隅微小吏。眼暗髮垂素。黃袍帽映青袍。非供折腰具。平生一杯酒。

見我故人遇。相望無所成。乾坤莽回互。

遣興五首

蟄龍三冬卧。老鶴萬里心。昔時賢俊人。未遇猶視今。嵇康不得死。孔
明有知音。又如壠底松。用舍在所尋。大哉霜雪幹。歲久為枯林。

昔者龐德公。未曾入州府。襄陽耆舊間。處士節獨苦。豈無濟時策。終
竟畏羅罟。林茂鳥有歸。水深魚知聚。舉家隱鹿門。劉表焉得取。

陶潛避俗翁。未必能達道。觀其著詩集。頗亦恨枯槁。達生豈是足。默識
蓋不蚤。有子賢與愚。何其掛懷抱。

賀公雅吳語。在位常清狂。上疏乞骸骨。黃冠歸故鄉。爽氣不可致。斯

人今則山陰一茅宇。江海日清涼。

吾憐孟浩然。短褐即長夜。賦詩何必多。往。凌鮑謝。清江空舊魚。
春雨餘甘蔗。每望東南雲。令人幾悲吐。

遣興

地用莫如馬。無良復誰記。此日千里鳴。追風可君意。君看渥洼種。態
與駑駘異。不雜蹄齧間。逍遙有能事。

遣興五首

朔風飄胡雁。慘澹帶砂礫。長林何蕭。秋草萋更碧。北里富薰天。高
樓夜吹笛。焉知南隣客。九月猶締絡。

長陵銳頭兒。出獵待明發。驛弓金爪鏑。白馬蹴微雪。未知所馳逐。但見
暮光滅。歸來懸兩狼。門戶有旌節。

漆有用而割。膏以明自煎。蘭摧白露下。桂折秋風前。府中羅舊尹。
沙道尚依然。赫。蕭京兆。今為時所憐。

猛虎憑其威。往。遭急縛。雷吼徒咆哮。枝撐已在脚。忽看皮寢處。無
復晴閃爍。人有甚于斯。足以勸元惡。

朝逢富家葬。前後皆輝光。共指親戚大。總麻百夫行。送者各有死。不
須羨其強。君看東練去。亦得歸山岡。

後出塞五首

男兒生世間及壯當封侯戰伐有功業焉能守舊丘名募赴蘇門軍
動不可留千金裝馬鞭百金裝刀頭閭里送我行親戚擁道周班白
居上列酒酣進庶羞少年別有贈含笑看吳鉤

朝進東門營暮上河陽橋落日照大旗馬鳴風蕭蕭平沙列萬幕
部伍各見招中天懸明月令嚴夜寂寥悲笳數聲動壯士慘不驕借問

大將誰恐是霍嫖姚

古人重守邊今人重高勳豈知英雄主出師亘長雲六合已一家四夷且
孤軍遂使貔虎士奮身勇所聞拔劍擊大荒日收胡馬羣誓開玄
冥北持以奉吾君

獻凱日繼踵兩蕃靜無虞漁陽豪俠地擊鼓吹笙竽雲帆轉遼海
稷稻來東吳越與楚練照耀與臺軀主將位益崇氣驕陵上都邊
人不敢議者死路衢

我本良家子出師亦多門將驕益愁思身貴不足論躍馬二十年恐
辜明主恩坐見幽州騎長驅河洛昏中夜間道歸故里但空村惡名幸
脫免窮老無兒孫

以下乾元中公客秦州作

西枝村尋置草堂地夜宿贊公土室二首

出郭眇細岑披榛得微路溪行一流水曲折方屢渡贊公湯休徒好
靜心跡素昨枉霞上作盛論巖中趣怡然共携手恣意同遠步捫

蘿滋先登陟。嚙眩反顧。要求陽岡暖。苦涉陰嶺。恫悵老大藤。沈吟屈盤蟠。樹卜居意未展。杖策迴且暮。層巔餘落日。草蔓已多露。天寒鳥以歸。月出人更靜。土室延白光。松門耿踈影。躋攀倦日短。語樂寄夜永。明燃林中薪。暗汲石底井。大師京國舊。德業天機秉。從來支許遊。興趣江湖迥。數竒謫閨塞。道廣存箕穎。何知戎馬間。復接塵事屏。幽尋豈一路。遠色有諸嶺。晨光稍朦朧。更越西南頂。

寄贊上人

一昨陪錫杖。卜隣南山幽。年侵腰脚衰。未便陰崖秋。崇岡北面起。竟日陽光留。茅屋買兼土。斯馬心所求。近聞西枝村。有客杉栝稠。亭午頗和

暖。石田又足收。當期塞雨乾。宿昔齒疾瘳。徘徊虎穴上。面勢龍泓頭。柴荆具茶茗。徑路通林丘。與子成二老。來往亦風流。

太平寺泉眼

招提憑高岡。踈散連草莽。出泉枯柳根。汲引歲月古。石間見海眼。天畔縈水府。廣深尺丈間。宴息敢輕侮。青白二小蛇。幽姿可時睹。如絲氣或上。爛熳為雲雨。山頭到山下。鑿井不盡土。取供十方僧。香美勝牛乳。北風起寒文。弱藻舒翠縷。明涵客衣淨。細蕩林影趣。何當宅下流。餘潤通藥圃。三春濕黃精。一食生毛羽。

別贊上人

百川日東流。客去亦不息。我生苦漂蕩。何時有終極。贊公釋門老。放逐來
上國。還為世塵嬰。頗帶憔悴色。楊枝在手。豆子雨已熟。是身如浮雲。
安可限南北。異縣逢舊友。初欣寫胸臆。天長閔塞寒。歲暮飢凍逼。野
風吹征衣。欲別向曛黑。馬嘶思故樞。歸鳥盡斂翼。古來聚散地。宿昔
長荆棘。相看俱衰年。出處各努力。

發秦州

以下乾元上元間公赴同谷居成都作

我哀更嬾拙。生事不自謀。無食問樂土。無衣思南州。漢源十月交。天氣涼
如秋。草木未黃落。况聞山水幽。栗亭名更嘉。下有良田疇。充腸多薯蕷。
崖蜜亦易求。密竹復冬笋。清池可方舟。雖傷旅寓遠。庶遂平生遊。此

邦俯要衝。實恐人事稠。應接非本性。登臨未消憂。谿谷無異石。塞田
始微收。豈復慰老夫。悵然難久留。日色隱孤戍。烏啼滿城頭。中宵驅車
去。飲馬寒塘流。磊落星月高。蒼茫雲霧浮。大哉乾坤內。吾道長悠悠。

赤谷

天寒霜雪繁。遊子有所之。豈但歲月暮。重來未有期。晨發赤谷亭。
險艱方自茲。亂石無改轍。我車已載脂。山深苦多風。落日童稚飢。悄然
村墟迴。煙火何由追。貧病轉零落。故鄉不可思。常恐死道路。永為高人嗤。

鐵堂峽

山風吹遊子。縹緲乘險絕。硤形藏堂隍。壁色立積鐵。徑摩穹蒼蟠。石與厚

地裂脩織無垠竹嵌空太始雪威遲泉壑底徒旅慘不悅水寒長冰橫
我馬骨正折生涯抵弧矢盜賊殊未滅飄蓬踰三年回首肝肺熱

鹽井

鹵中草木白青者官鹽烟官作既有程煮鹽烟在川汲井歲楫音骨出車日
連自公斗三百轉致斛六千君子慎止足小人苦喧闐我何良歎嗟物理
固自然

寒硤

行邁日悄山谷勢多端雲門轉絕岸積阻霾天寒以硤不可度我實
衣裳單况當仲冬交沂泝增波瀾野人尋煙語行子傷水餐此生免

荷及未敢辭路難

法鏡寺

身危適他州勉强終勞苦神傷山行深愁破崖寺古嬋娟碧蘚淨蕭
撼音色寒籜聚回山根水冉松上雨洩雲蒙清晨初日翳復吐朱甍半
光炯戶牖繁可數拄策忘前期出蘿已亭午冥子規叫微徑不復取

青陽峽

塞外苦厭山南行道彌惡岡巒相經亘雲水氣參錯林迴硤角來天窄
壁面削礮西五里石奮怒向我落仰看日車側俯恐坤軸弱魑魅嘯有
風霜霰浩漠昨憶踰壠坂高秋視吳嶽東笑蓮花早北知崆峒薄超

然作壯觀已謂殷寥廓突兀猶越人及茲嘆冥冥

龍門鎮

細泉兼輕水沮洳棧道濕不辭辛苦行迫此短景急石門雲雪隘古鎮
峯巒集旌竿暮慘澹風水白刃澁口馬屯成臯防虞此何及嗟爾遠
戍人山寒夜中泣

石龕

熊羆咆我東虎豹號我西我後鬼長嘯我前猱又啼天寒昏無日山遠
道路迷驅車石龕下仲冬見虹霓伐竹者誰子悲譌上雲梯為官採
美箭五歲供梁齊苦云直斲盡無以充提携奈何漁陽騎颯驚蒸黎

積草嶺

連峯積長陰白日遮隱見聽林響交慘石狀變山分積草嶺路異
明水縣旅泊吾道窮哀年歲時倦卜居尚百里休駕投諸彥邑有佳
主人情如已會面來書語絕妙遠客驚深眷食蕨不厭餘茅茨眼中見

鳳凰臺

亭上鳳凰臺北對西康州西伯今寂寞鳳聲亦悠山峻路絕縱石林氣
高浮安得萬丈梯為君上頭恐有無母雛飢寒日啾我能剖心出飲
啄慰孤愁心以當竹實炯然無外求血以當醴泉豈徒比清流所重王者瑞
敢辭微命休坐看翠翮長舉意八極周自天銜瑞圖飛下十二樓圖以奉

太子休母吳氏
傳高宗於青室
生母行亡

至尊鳳以垂鴻猷。再光中興業。一洗蒼生憂。深衷正為此群盜。何淹留。

○萬丈潭

清溪合冥冥。神物有顯晦。龍依積水蟠。窟壓萬丈內。跼步凌垠堞。側身下煙靄。前臨洪濤寬。却立蒼石大。山危一徑盡。岸絕兩壁對。削成根虛無。倒影垂澹澹。音澹黑澗深底清。見光炯碎孤雲。到來深飛鳥。不在外高蘿。成帷幄。寒木壘旌旆。遠川曲通流。嵌竇潛洩瀨。造幽無人境。發興自我輩。告歸遺恨多。將老斯遊最。閉巖脩鱗螫。出入巨石礙。何事暑天過。快意風雨會。

發同谷縣

賢有不突黔。聖有不暖席。况我饑愚人。馬能尚安宅。始來茲山中。休駕喜地僻。柰何迫物累。一歲四行役。忡忡去絕境。杳杳更遠適。停驂龍潭雲。回首白崖石。臨歧別數子。握手淚再滴。交情無舊深。窮老多慘感。平生懶拙意。偶值棲遯跡。去住與願違。仰慚林間翮。

木皮嶺

首路栗亭西。尚想鳳凰村。季冬携童稚。辛苦赴蜀門。南登木皮嶺。艱險不易論。汗流被戎體。祁寒為之暄。遠岫爭輔佐。千巖自崩奔。始知五嶽外。別有他山尊。仰干塞大明。俯入裂厚坤。再聞虎豹闢。屢蹈風水昏。高有廢閣道。摧折如短轆。斷下有冬青林。石上走長根。西崖特秀發。

煥若靈芝繁潤聚金碧氣清無沙土痕憶觀崑崙圖目擊玄圃存對此
欲何適默傷垂老魂

白沙渡

畏途隨長江渡口下絕岸差池上舟楫杳窅入雲漢天寒荒野外日暮中
流半我馬向北嘶山猿飲相喚水清石礪沙白灘漫迴然洗愁辛多
病一踈散高壁抵欽峯洪濤越凌亂臨風獨回首攬轡復三數

水會渡

山行有常程中夜尚未安微月沒已久崖傾路何難大江動我前洶
若溟渤寬篙師暗理楫歌笑輕波瀾霜濃石木滑風急手足寒入舟

已千憂陟巘仍萬盥迴眺積水外始知衆星乾遠遊令人瘦衰疾慚加餐

飛仙閣

土門山行窄微徑緣秋豪棧雲闌干峻梯石結構牢萬壑歌踈林積陰
帶奔濤寒日外澹泊長風中怒號歇鞍在地底始覺所歷高往來雜坐
卧人馬同疲勞浮生有定分饑飽豈可逃歎息謂妻子我何隨汝曹

五盤

五盤雖云險山色佳有餘仰凌棧道細俯映江水踈地僻無網罟水清反
多魚好鳥不妄飛野人半巢居喜見淳朴俗坦然心神舒東郊尚格鬪
巨猾何時除故鄉有弟妹流落隨丘墟成都萬事好豈若歸吾廬

龍門閣

清江下龍門。絕壁無尺土。長風駕高浪。浩自太古危。途中縈盤。仰望垂
線。縷滑石。歌誰鑿。浮梁梟相柱。目眩墮雜花。頭風吹過雨。百年不敢料
一墜那得取。飽聞經瞿唐。足見度大庾。終身歷險艱。恐懼從此數。

石櫃閣

季冬日已長。山晚半天赤。蜀多道州華。江間饒奇石。石櫃曾波上。臨虛
蕩高壁。清暉回羣鷗。暝色帶遠客。羈棲負幽意。感歎向絕跡。信甘孱
懦嬰。不獨凍餒迫。優游謝康樂。放浪陶彭澤。吾哀未自安。謝尔性所適。

桔柏渡

青冥寒江渡。架竹為長橋。竿濕煙漠漠。江永風蕭蕭。連笳音譎動嫋娜。征衣颯
飄颻。急流鴟鷂散。絕岸鼉鼉驕。西轅自茲異。東逝不可要。高通荆門路。
濶會滄海潮。孤光隱顧盼。遊子悵寂寥。無以洗心胸。前登但山椒。

劍門

惟天有設險。劍門天下壯。連山抱西南。石角皆北向。兩崖崇墉倚。刻畫
城郭狀。一人怒臨關。百萬未可傍。珠玉走中原。岷峨氣悽愴。三皇五帝
前。雞犬各相放。後王尚柔遠。職貢道已喪。至今英雄人。高視見霸王。并
吞與割據。極力不相讓。吾將罪真宰。意欲鏹疊嶂。恐此復偶然。臨風
默惆悵。

鹿頭山

鹿頭何亭。是日慰飢渴。連山西南斷。俯見千里豁。遊子出京華。劍門不可越。及茲阻險盡。始喜原野濶。殊方昔三分。霸氣曾間發。天下今一家。雲端失雙闕。悠然想揚馬。繼起名峰論文兀。有文令人傷。何處埋爾骨。紆餘脂膏地。慘澹豪俠窟。仗鉞非老臣。宣風豈專達。裴冕莫公柱石姿。論道邦國活。斯人亦何幸。公鎮踰歲月。

成都府

翳。桑榆日照我征衣裳。我行山川異。忽在天一方。但逢新人民。未卜見故鄉。大江東流去。遊子去日長。曾城填華屋。季冬樹木蒼。喧然名都。茫。初月出不高。衆星尚爭光。自古有羈旅。我何苦哀傷。

贈蜀僧閻丘師兄

大師銅梁秀。籍。名家孫。嗚呼先博士。炳靈精氣英。奔惟昔武皇后。臨軒御乾坤。多士盡儒冠。墨客藹屯。雲當時上紫殿。不獨卿相尊。世傳閻丘筆。峻極逾崑崙。鳳藏丹。霄暮龍去白水潭。青熒雪嶺東。碑碣舊製存。斯文散都邑。高價越璵璠。晚看作者意。妙絕與誰倫。吾祖詩冠古。同年蒙主恩。豫章夾日月。歲久空深根。小子思踈濶。豈能達詞門。窮愁一揮淚。相遇即諸昆。我住錦官城。兄居祇樹園。地近慰旅愁。往來

當丘樊。天涯歇滯雨。梗稻卧不翻。漂然薄遊倦。始與道侶敦。景晏步脩廊。而無車馬喧。夜闌接軟語。落月如金盆。漠。世界黑。驅。爭奪繁。惟有摩尼珠。可照濁水源。

泛溪

以下上元寶應間公居成都
作

落景下高堂。進舟泛迴溪。誰謂築居小。未盡喬木西。遠郊信荒僻。秋色有餘懷。練。峰上雪。織。雲表霓。童戲左右岸。吾弋畢提携。翻倒荷芰亂。指揮運路迷。得魚已割鱗。採藕不洗泥。人情逐鮮美。物賤事已睽。吾村靄暝姿。異舍雞亦棲。蕭條欲何適。出處庶可齊。衣上見新月。霜中登故畦。濁醪自初熟。東城多鼓鼙。

以下上元寶應間公居成都

病柏

有柏生崇岡。童。狀車蓋。偃威龍虎姿。主當風雲會。神明依正直。故老多再拜。豈知千年根。中路顏色壞。出非不得地。蟠據亦高大。歲寒忽無憑。日夜柯葉改。丹鳳領九雛。哀鳴翔其外。鷓鴣志意滿。養子穿穴內。客從何鄉來。佇立久吁怪。靜求元精理。浩蕩難倚賴。

病橘

羣橘少生意。雖多亦奚為。惜哉結實小。酸澀如棠梨。剖之盡蠹虫。采擬爽其宜。絲然不適口。豈止存其皮。蕭。半死葉。未忍別故枝。玄冬霜雪積。况乃迴風吹。嘗聞蓬萊殿。羅列瀟湘姿。此物歲不稔。玉食失光

輝冠盜尚憑陵。當君減膳時。汝病是天意。吾愁罪有司。憶昔南海使。奔騰獻荔枝。百馬死山谷。到今耆舊悲。

枯樓

梓州作

以下寶應中公居成都客

蜀門多樓閣。高者十八九。其皮剝剝甚。雖衆亦易朽。徒布如雲葉。青歲寒後交。橫集斧斤凋。喪先蒲柳傷。時苦軍乏。一物官盡取。嗟爾江漢人。生成復何有。同枯樓木。使我沈嘆久。死者即已休。生者何自守。秋黃雀啄側。見寒蓬走。念爾形影乾。摧殘沒藜莠。

枯柵

梗楠枯嶢嶢。鄉黨皆莫記。不知幾百歲。慘無生意。上枝摩蒼天下。

根蟠厚地。巨圍雷霆折。萬孔蟲蟻萃。凍雨落流膠。衝風奪嘉氣。白鵠遂不來。天雞為愁思。猶含棟梁具。無復霄漢志。良工古昔少。識者出涕淚。種榆水中央。成長何容易。截承金露盃。不自畏。

以下寶應中公居成都客
梓州作

遭田父泥飲美嚴中丞

步屣隨春風。村口白花柳。田翁逼社日。邀我嘗春酒。酣誇新尹畜。眼未見有迴頭。指大男。渠是弓弩手。名在飛騎籍。長畝歲時久。前日放營農。辛苦救衰朽。差科死則已。誓不舉家走。今年大作社。拾遺能住否。叫婦開大瓶。盆中為吾取。感此氣揚揚。須知風化首。語多雖雜亂。說尹終在口。朝來偶然出。自外將及酉。久客惜人情。如何拒鄰叟。

高聲索果栗。欲起時被肘。指揮過無禮。未覺村野醜。月出遮我留。仍嗔問升斗。

大雨

西蜀冬不雪。春農尚嗷。上天回哀眷。朱夏雲鬱陶。執熱乃沸鼎。織紉成緼袍。風雷颯萬里。沛澤施蓬蒿。敢辭茅葦陋。已喜黍豆高。三日無行人。二江聲怒號。流惡邑里清。矧茲遠江臯。空庭步鶴鶴。隱几望波濤。沉疴聚藥餌。頓忘所進勞。則知潤物功。可以貸不毛。陰色靜隴畝。勸畊自官曹。四隣耒耜出。何必吾家操。

溪漲

當時浣花橋。溪水絕尺餘。白石明可把。水中有行車。秋夏忽泛濫。豈惟入吾廬。蛟龍亦狼狽。况是鼈與魚。茲晨已半落。歸路跬步踈。馬嘶未敢動。前有深填淤。青屋東麻散。亂床上書。不知遠山雨。夜來復何如。我遊都市間。晚憇必村墟。乃知久行客。終日思其居。

述古三首

赤驥頓長纓。非無萬里姿。悲鳴淚至地。為問馭者誰。鳳凰從東來。何意復高飛。竹花不結實。念子忍朝飢。古時君臣合。可以物理推。賢人識定分。進退固其宜。

市人日中集。於利競錐刀。置膏烈火上。哀自煎熬。農人望歲稔。相率

除蓬蒿。所務穀為本。邪羸無乃勞。舜舉十六相。身尊道何高。秦
時任商鞅。法令如牛毛。
漢光得天下。祚永固有開。豈惟高祖聖。功自蕭曹來。經綸中興業。
何代無長才。吾慕冠鄧勳。濟時亦良哉。耿賈亦宗臣。羽翼共徘徊。休
運終四百。圖畫在雲臺。

冬到金華山觀因得故拾遺陳公學堂遺跡

涪右衆山內。金華紫崔嵬。上有蔚藍天。垂光抱瓊臺。繫舟接絕壁。杖
策窮縈回。四顧俯層巔。淡然川谷開。雪嶺日色死。霜鴻有餘哀。焚香
玉女跪。霧裏仙人來。陳公讀書堂。石柱仄青苔。悲風為我起。激烈傷雄才。

陳拾遺故宅

拾遺平昔居。大屋尚脩椽。悠揚荒山日。慘澹故園烟。位下曷足傷。所
貴者聖賢。有才繼騷雅。哲匠不比肩。公生揚馬後。名與日月懸。同遊
英俊人。多秉輔佐權。彥昭超玉價。郭振起通泉。到今素壁滑。灑翰
銀鈎連。盛事會一時。此堂豈千年。終古立忠義。感遇有遺篇。

謁文公上方

野寺隱喬木。山僧高下居。石門日色異。絳氣橫扶疎。窈窕入風磴。長蘿
紛卷舒。庭前猛虎卧。遂得文公廬。俯視萬家邑。煙塵對階除。吾師雨
花外。不下十年餘。長者自布金。禪龕只晏如。大珠脫垢翳。白月當空虛。

甫也南北人。蕪蔓少耘鋤。久遭詩酒污。何事忝簪裾。王侯與蝼蟻。同盡
隨丘墟。顧聞第一義。迴向心地初。金篦刮眼膜。價重百車渠。無生有汲引。
茲理儻吹噓。

奉贈射洪李四丈

丈人屋上烏。人好烏亦好。人生意氣豁。不在相逢早。南京亂初定。所向色
枯槁。遊子無根株。茅齋付秋草。東征下月峽。掛席窮海島。萬里須
十金。妻孥未相保。蒼茫風塵際。蹭蹬騏驎老。志士懷感傷。心胸已傾倒。

早發射洪縣南途中作

將老憂貧窶。筋力豈能及。征途乃侵星。得使諸病入。鄙人寡道氣。在

困無獨立。倣裝逐徒旅。連曙凌險澀。寒日出。霧遲清江轉。山急僕天行。
不進。駕馬若維繫。汀洲稍踈散。風景開快悒。空懷所尚懷。終非曩遊
集。衰頹偶一破。勝事難屢挹。茫然阮籍途。更灑楊朱泣。

通泉驛南去通泉縣十五里山水作

溪行初自濕。亭午氣始散。冬溫蚊蚋集。人遠鳧鴨亂。登頓生曾陰。歌
傾出高岸。驛樓哀柳側。縣郭輕煙畔。一川何綺麗。盡目窮壯觀。山色
遠寂寞。江光夕滋漫。傷時愧孔父。去國同王粲。我生苦飄零。所歷有嗟
歎。

過郭代公故宅

豪雋初未遇。其跡或脫略。代公通泉尉。放意何自若。及夫登衮冕。直氣森噴薄。磊落見異人。豈伊常情度。定策神龍後。宮中翕清廓。俄頃辨尊親。指揮存顧託。羣公有慚色。王室無削弱。迴出名臣上。丹青照臺閣。我行得遺跡。池館皆䟽鑿。壯公臨事斷。顧步涕橫落。精魄凜如存。所歷終蕭索。高詠寶劔篇。神交付冥漠。

觀薛稷少保書畫壁

以下廣德中公往來梓園作

少保有古風。得之陝郊篇。惜哉功名忤。但見書畫傳。我遊梓州東。遺跡涪江邊。西藏青蓮界。書入金牕懸。仰看垂露姿。不崩亦不騫。鬱鬱三大字。蛟龍岌相纏。又揮西方變。發地扶屋椽。慘澹壁飛動。到今色

未填。此行疊壯觀。郭薛俱才賢。不知百載後。誰復來通泉。

通泉縣署壁後薛少保畫鶴

薛公十一鶴。皆寫青田真。畫久欲盡蒼。然猶出塵。低昂各有意。磊落如長人。佳此志氣遠。豈惟粉墨新。萬里不以力。羣遊森會神。威遲白鳳態。非是倉鶻鄰。高堂未傾覆。常得慰嘉賓。暴露牆壁外。終嗟風雨頻。赤霄有真骨。恥飲滄池津。冥心任所往。脫略誰能馴。

寄題江外草堂

以下廣德中公往來梓園作

我生性放誕。雅欲逃自然。嗜酒愛風竹。卜居必林泉。遭亂到蜀江。卧病遣所便。誅茅初一畝。廣地方連延。經營上元始。斲手寶應年。敢謀土木麗。自

覺面勢堅。臺庭隨高下。敞豁當清川。惟有會心侶。數能同釣船。干戈未
偃息。安得酣歌眠。蛟龍無定窟。黃鵠摩蒼天。古來賢達志。寧受外物
牽。顧惟魯鈍姿。豈識悔吝先。偶携老妻去。慘澹凌風煙。事跡無固必。
幽貞貴雙全。尚念四小松。蔓草已拘纏。霜骨不堪長。永為鄰里憐。

陪章留後惠義寺餞嘉州崔都督赴州

中軍待上客。令肅事有恒。前驅入寶地。祖帳飄金繩。南陌既留歡。茲山亦
深登。清聞樹杪磬。遠謁雲端僧。迴策匪新岸。所攀仍舊藤。耳激洞門
飈。目存寒谷冰。出塵闕軌躅。畢景遺炎蒸。永願坐長夏。將哀棲大乘。羈
旅惜宴會。艱難懷友朋。勞生共幾何。離恨兼相仍。

梭拂子

梭拂且薄陋。豈知身效能。不堪代白羽。有足除蒼蠅。熒々金錯刀。擢々
朱絲繩。非獨顏色好。亦由顧盼稱。吾老抱疾病。家貧卧炎蒸。啞膚
倦撲滅。賴爾甘服膺。物微世競棄。義在誰肯徵。三歲清秋至。未敢闕絨滕。

送韋諷上閬州錄事參軍

國步猶艱難。兵革未哀息。萬方哀嗷々。十載供軍食。庶官務割剝。不
復憂反側。誅求何多門。賢者貴為德。常生富春秋。洞徹有清識。操持
綱紀地。喜見朱絲直。當令豪奪吏。自此無顏色。必若救瘡痍。先應去蝥賊。
揮淚臨大江。高天意悽惻。行々樹佳政。慰我深相憶。

閬州東樓筵奉送十一舅往青城得昏字

曾城有高樓。制古丹雘存。迨七百餘尺。豁達開四門。雖有車馬客。而無人世喧。游目俯大江。列筵慰別魂。是時秋夏交。節往顏色昏。天寒鳥獸伏。霜露在草根。今我送舅氏。萬感集清樽。豈伊山川間。回首盜賊繁。高賢意不暇。王命久崩奔。臨風欲慟哭。聲出已復吞。

南池

崢嶸巴閬間。所向盡山谷。安知有蒼池。萬頃浸坤軸。呀然閬城南。枕帶巴江腹。芰荷入異縣。秔稻共比屋。皇天不無意。美利戒止足。高田失西成。此物頗豐饒。清源多衆魚。遠岸富喬木。獨歎楓香林。春時好顏色。南有漢王

祠。終朝走巫祝。歌舞散靈衣。荒哉舊風俗。高堂亦明正。魂魄猶正直。不應空陂上。縹緲親酒食。淫祀自古昔。非惟一川瀆。干戈浩茫茫。地僻傷極目。平生江海興。遭亂身局促。駐馬問漁舟。躊躇慰羈束。

山寺

章留後
同遊

野寺根石壁。諸龕遍崔嵬。前佛不復辨。百身一莓苔。惟有古殿存。世尊亦塵埃。如聞龍象泣。足令信者哀。使君騎紫馬。捧擁從西來。樹羽靜千里。臨江久徘徊。山僧衣藍縷。告訴棟梁摧。公為領賓徒。咄嗟檀施開。吾知多羅樹。却倚蓮花臺。諸天必歡喜。鬼物無嫌猜。以茲撫士卒。孰曰非周才。窮子失淨處。高人憂襦胎。歲晏破風俗。荒林寒可迴。思量入道苦。自

晒同嬰孩

將適吳楚留別章使君留後兼幕府諸公得柳字

我來入蜀門。歲月亦已久。豈惟長兒童。自覺成老醜。常恐性坦率。失身為杯酒。近辭痛飲徒。折節萬夫後。昔如縱壑魚。今如喪家狗。既無遊方戀。行止復何有。相逢半新故。取別隨薄厚。不意青草湖。扁舟落吾手。春上章梓州。開筵俯高柳。樓前出騎馬。帳下羅賓友。健兒簸紅旗。此樂幾難朽。日車急崑崙。鳥雀梁戶牖。波濤未足畏。三峽徒雷吼。所憂盜以下廣德中公往來梓閣歸

草堂

以下廣德中公往來梓閣歸
成都草堂嚴武表授節度參謀作

昔我去草堂。蠻夷塞成都。今我歸草堂。成都適無虞。請陳初亂時。及覆乃須臾。大將赴朝廷。羣小起異圖。中宵斬白馬。盟軟氣已麤。西取邛南兵。北斷劍閣隅。布衣數十人。亦擁專城居。其勢不兩大。始聞蕃漢殊。西卒却倒戈。賊臣互相誅。馬知肘腋禍。自及梟鏡一作鏡徒。義士皆痛憤。紀綱亂相踰。一國實三公。萬人欲為魚。唱和作威福。孰肯辨無辜。眼前列柵械。背後吹笙竽。談笑行殺戮。滅血滿長衢。到今用鉞地。風雨聞號呼。鬼妾與鬼馬。色悲充爾娛。國家法令在。此又足驚吁。賊子且奔走。三年望東吳。張天暗江海。難為遊五湖。不忍竟舍此。復來雜榛蕪。入門四松在。步屨

晒同嬰孩

將適吳楚留別章使君留後兼幕府諸公得柳字

我來入蜀門。歲月亦已久。豈惟長兒童。自覺成老醜。常恐性坦率。失身為杯酒。近辭痛飲徒。折節萬夫後。昔如縱壑魚。今如喪家狗。既無遊方戀。行止復何有。相逢半新故。取別隨薄厚。不意青草湖。扁舟落吾手。春。章梓州開筵俯高柳。樓前出騎馬。帳下羅賓友。健兒簸紅旗。此樂幾難朽。日車隱崑崙。鳥雀噪戶牖。波濤未足畏。三峽徒雷吼。所憂盜賊多。重見衣冠走。中原消息斷。黃屋今安否。終作適荆蠻。安排用莊叟。隨雲拜東皇。掛席上南斗。有使即寄書。無使長回首。

草堂

以下廣德中公往來梓閣歸成都草堂嚴武表授節度參謀作

昔我去草堂。蠻夷塞成都。今我歸草堂。成都適無虞。請陳初亂時。及覆乃須臾。大將赴朝廷。羣小起異圖。中宵斬白馬。盟軟氣已震。西取邛南兵。北斷劍閣隅。布衣數十人。亦擁專城居。其勢不兩大。始聞蕃漢殊。西卒却倒戈。賊臣互相誅。馬知肘腋禍。自及梟鏡徒。義士皆痛憤。紀綱亂相踰。一國實三公。萬人欲為魚。唱和作威福。孰肯辨無辜。眼前列柵械。背後吹笙竽。談笑行殺戮。滅血滿長衢。到今用鉞地。風雨聞號呼。鬼妾與鬼馬。色悲充爾娛。國家法令在。此又足驚吁。賊子且奔走。三年望東吳。張天暗江海。難為遊五湖。不忍竟舍此。復來雜榛蕪。入門四松在。步屨

萬竹踈。奮犬喜我歸。低徊入衣裾。鄰里喜我歸。沽酒携胡盧。大官喜
我來。遣騎問所須。城郭喜我來。賓客隘邨墟。天下尚未寧。健兒勝腐
儒。飄飄風塵際。何地置老夫。於時見疣贅。骨髓幸未枯。飲啄愧殘生。
食薇不敢餘。

四松

四松初移時。大抵三尺強。別來忽三歲。離立如人長。會看根不拔。莫計枝
凋傷。幽色幸秀發。疎柯亦昂藏。所挿小藩籬。本亦有隄防。終然^{音橙}振撥損。
得愧千葉黃。敢為故林主。黎庶猶未康。避宅今始歸。春草滿空堂。覽
物嘆哀謝。及茲慰淒涼。清風為我起。洒面若微霜。足以送老姿。聊待偃

蓋張我生無根柢。配尔亦茫茫。有情且賦詩。事跡可兩忘。勿矜千載後。慘
澹蟠穹蒼。

水檻

蒼江多風飈。雲雨晝夜飛。茅軒駕巨浪。焉得不低垂。遊子久在外。門戶
無人持。高岸尚為谷。何傷浮柱歌。扶顛有勸誡。恐為識者嗤。既殊大厦
傾。可以一木支。臨川視萬里。何必欄檻為。人生感故物。慷慨有餘悲。

破船

生平江海心。宿昔具扁舟。豈惟清溪上。日傍柴門遊。蒼黃避亂兵。緬邈
懷舊丘。鄰人亦已非。野竹何脩脩。船舷不重扣。埋沒已經秋。仰看西飛翼。

下愧東逝流。故者或可掘。新者亦易求。所悲數奔竄。白屋難久留。

太子張舍人遺織成褥段

客從西北來。遺我翠織成。開絨風濤湧。中有掉尾鯨。逶迤羅水族。瑣細不足名。客云充君褥。承君終宴榮。空堂魑魅走。高枕形神清。領客珍重意。顧我非公卿。留之懼不祥。施之混柴荆。服飾定尊卑。大哉萬古程。今我一賤老。短褐更無營。煌煌珠宮物。寢處袖所嬰。歎息當路子。干戈尚縱橫。掌握有權柄。衣馬自肥輕。李鼎死岐陽。實以驕貴盈。來瑱賜自盡。氣豪直阻兵。皆聞黃金多。坐見悔吝生。奈何田舍翁。受此厚贖情。錦鯨卷還客。始覺心和平。振我麈席塵。愧容茹藜羹。

又上後園山脚

昔我遊山東。憶戲東嶽陽。窮秋立日觀。矯首望八荒。朱崖著毫髮。碧海吹衣裳。蓐收困用事。玄冥蔚強梁。逝水自朝宗。鎮石各其方。平原獨憔悴。農力廢耕桑。非關風露凋。曾是戍役傷。於時國用富。足以守邊疆。朝廷任猛將。遠奪戎馬場。到今事反覆。故老淚萬行。龜蒙不可見。况乃懷故鄉。肺萎屬久戰。骨出熱中腸。憂來杖匣劍。更上林北岡。瘴毒猿鳥落。峽乾南日黃。秋風亦已起。江漢始如湯。登高欲有往。蕩析川無梁。哀彼遠征人。去家死路旁。不及祖父塋。壘塚相當。

暇日小園散病將種秋菜督勒耕牛兼書觸目

不愛入州府畏人嫌我真及乎歸茅宇旁舍未曾嗔老病忌拘束
應接喪精神江村意自放林木心所忻秋耕屬地濕山雨近甚勻冬
菁飯之半牛力晚來新溪耕種數畝未甚後四隣嘉蔬既不一名
數頗具陳荆巫非苦寒採擷接青春飛來双白鷺暮啄泥中芹
雄者左翻垂損傷已露筋一步再流血尚驚矰繳勤三岁六號
叶志屈悲哀頻鸞凰不相待側頭訴高旻杖藜俯沙渚為汝鼻酸
辛

以下永泰中公居成都草堂
去蜀至雲安居夔州作

以下永泰中公居成都草堂
去蜀至雲安居夔州作

宿青溪驛奉懷張員外十五兄之緒

漾舟千山內日入泊枉渚我生本飄飄今復在何許石根青楓林猿鳥聚
儔侶月明遊子靜畏虎不得語中夜懷友朋乾坤此深阻浩蕩前後
間佳期赴荆楚

水閣朝霽奉簡雲安嚴明府

東城抱春岑江閣隣石面崔嵬晨雲白朝旭射芳甸雨檻卧花叢風
林展書卷鈎簾宿鷺起丸藥流罵嘯呼婢取酒壺續兒讀文選晚
交嚴明府矧此數相見

客居

客居所居堂前江後山根下塹萬尋岸蒼濤鬱飛翻葱青泉木梢
邪豎離石痕子規晝夜啼壯士歛精魂峽開四千里水合數百源人帟
相半居相傷終兩存蜀麻久不來吳鹽擁荆門西南失大將商旅自
星奔今又降元戎已聞動行軒舟子候利涉亦憑節制尊我在路中央
生理不得論卧愁病脚廢徐步視小園短畦帶碧草悵望思王孫鳳隨
其凰去籬雀暮喧繁覽物想故國十年別鄉村日暮歸幾翼北林
空自昏安得覆八溟為君洗乾坤稷契易為力犬戎何足吞儒生老
無成臣子憂四藩篋中有舊筆情至時復援

客堂

憶昨離少城而今異楚蜀捨舟復深山窅窅一林麓棲泊雲安縣消中
內相毒舊疾甘載來衰年得無足死為殊方鬼頭白免短促老馬終
望雲南雁意在北別家長兒女欲起慙筋力客堂節序改具物對羈
束石暄蕨芽紫渚秀蘆笋綠巴鶯粉未稀微麥早向熟悠三日動江
漢春辭木臺郎選才俊自顧亦已極前輩聲名人埋沒何所得居然
縮章紱受性本幽獨平生憇息地必種數竿竹事業只濁醪營葺但
草屋上公有記者累奏資薄祿主憂豈濟時身遠彌曠職循文廟
笑正獻可天衢直尚想趨朝廷毫髮禪社稷形骸今若是進退委行色

石硯

平侍
御者

平公今詩伯秀發吾所羨。奉使三峽中。長嘯得石硯。巨璞禹鑿餘。異狀
君獨見。其滑乃波濤。其光或雷電。睽均各盡墨。多水遮隱見。揮洒容數
人。十手可對面。比公頭上冠。貞質未為賤。當公賦佳句。况得終清宴。公
含起草姿。不遠明光殿。致于丹青地。知汝隨顧盼。

贈鄭十八賁

温士君子。令我懷抱盡。靈芝冠衆芳。安得闕親近。遭亂意不歸。
竄身跡非隱。細人尚姑息。吾子色愈謹。高懷見物理。識者安肯哂。早
飛欲何待。捷徑應未忍。示我百篇文。詩家一標準。羈離交屈宋。牢落
值顏閔。水陸迷畏途。藥餌駐脩軫。古人日已遠。青史字不泯。步趾咏唐
虞。追隨飯葵藿。數杯資好事。異味煩縣尹。心雖在朝諝。力與顏矛盾。抱
病排金門。哀容豈為敏。

別蔡十四著作

賈生慟哭後。寥落無其人。安知蔡夫子。高義邁等倫。獻書謁皇帝。志
已清風塵。流涕灑丹極。萬乘為酸辛。天地則創痍。朝廷多正臣。異才復
間出。周道日維新。使蜀見知己。別顏始一伸。主人薨城府。扶襯歸咸秦。
巴道此相逢。會我病江濱。憶念鳳翔都。聚散俄十春。我哀不足道。但願
子章陳。稍令社稷安。自契魚水親。我雖消渴甚。敢忘帝力勤。尚思未朽
骨。復睹耕桑民。積水駕三峽。浮龍倚長津。揚舲洪濤間。仗子濟物身。

鞍馬下秦塞。王城通北辰。玄甲聚不散。兵久食恐貧。窮谷無粟帛。使者來相因。若憑南轅吏。書札到天垠。

同元使君春陵行有序

以下大曆中
公居夔州作

覽道州元使君結春陵行兼賊退後示官吏作二首志之曰。當天子分憂之地。效漢官良吏之目。今盜賊未息。知民疾苦。得結筆十數公落。然參錯天下為邦伯。萬物吐氣。天下少安可待矣。不意復見比興體制微婉頓挫之詞。感而有詩。增諸卷軸。簡知者不必寄元。遭亂髮盡白。轉衰病相嬰。沉綿盜賊際。狼狽江漢行。歎時藥力薄。為客羸瘵成。吾人詩家秀。博采世上名。祭元道州前聖畏後生。觀乎春陵作。

歛見俊哲情。復覽賊退篇。結也實國楨。賈誼昔流慟。匡衡常引經。道州憂黎庶。詞氣浩縱橫。兩章對秋月。一字偕華星。致君唐虞際。純朴憶大庭。何時降璽書。用尔為丹青。獄訟永哀息。豈惟偃甲兵。悽惻念誅求。薄斂近休明。乃知正人意。不苟飛長纓。涼颼振南嶽。之子寵若驚。色沮金印大。興含滄浪清。我多長卿病。日夕思朝廷。肺枯渴太甚。漂泊公孫城。呼兒具紙筆。隱几臨軒楹。作詩呻吟內。墨淡字歌傾。感彼危苦詞。庶几知者聽。

貽華陽柳少府

繫馬喬木間。問人野寺門。柳侯披衣笑。見我顏色溫。並坐石堂下。俛視大江奔。火雲洗月露。絕壁上朝暾。自非曉相訪。觸熱生病根。南方六七

月出入異中原。老少多暍死。汗踰水漿翻。俊才得之子。筋力不辭煩。指
揮當世事。語及戎馬存。涕淚滅我裳。悲風排帝閭。鬱陶抱長策。義仗知
者論。吾衰病江漢。但愧識璵璠。文章一小技。于道未為尊。起予幸斑白。因
是託子孫。俱客古信州。結廬依毀垣。相去四五里。徑微山葉繁。時危挹佳士。
况免軍旅喧。醉從趙女舞。歌鼓秦人盆。子壯顧我傷。我驩兼淚痕。餘生如
過鳥。故里今空村。

雷

大旱山嶽焦。密雲復無雨。南方瘴癘地。罹此農事苦。封內必舞雩。峽中
喧擊鼓。真龍竟寂寞。土梗空樓俯。吁嗟公私病。稅歛缺不補。故老仰面啼。

瘡痍向誰數。暴殄或前聞。鞭巫非稽古。請先偃甲兵。處分聽人主。萬邦
但各業。一物休盡取。水旱其數然。堯湯免親睹。上天鑠金石。羣盜亂豺虎。
二者存一端。愆陽不猶愈。昨宵殷其雷。風過齊萬弩。復吹靈翳散。虛覺
神靈聚。氣暍腸胃融。汗濕衣裳污。吾衰猶拙計。失望築場圃。

火

楚山經月火。大旱則斯舉。舊俗燒蛟龍。驚惶致雷雨。爆嵌魑魅泣。崩凍嵐
陰^胡眴羅。落沸百泓。根源皆萬古。青林一灰燼。雲氣無處所。入夜殊赫然。新
秋照牛女。風吹巨焰作。河掉騰煙柱。勢欲焚崑崙。光彌焮^{音暮}洲渚。腥至焦長
蛇。聲吼纏猛虎。神物已高飛。不見石與土。尔寧要謗讟。憑此近焚侮。薄

閔長吏憂甚昧至精主遠遷誰撲滅將恐及環堵流汗卧江亭更深氣如縷

牽牛織女

牽牛出河西織女處其東萬古永相望七夕誰見同神光竟難候此事終蒙矚颯然精靈合何必秋遂逢亭上新粧立龍駕具曾空世人亦為爾祈請走兒童稱家隨豐儉白屋達公宮膳夫翊堂殿鳴玉淒房櫳曝衣遍天下曳月揚微風蛛絲小人態曲綴瓜果中初筵衰重露日出甘所終嗟汝未嫁女秉心鬱忡忡防身動如律竭力機杼中雖無舅姑事敢昧織作功明君臣契咫尺或未容義無棄禮法恩始夫婦恭小大

有佳期戒之在至公方圓苟齟齬音阻語丈夫多英雄

殿中楊監見示張旭草書圖

斯人已云亡草聖秘難得及茲煩見示滿目一悽惻悲風生微綃萬里起古色鏘々鳴玉動落々羣松直連山蟠其間溟漲與筆力有練實先書臨池真盡墨俊拔為之主暮年思轉極未知張王後誰並百代則嗚呼東吳精逸氣感清識楊公拂篋筭舒卷忘寢食念昔揮毫端不獨觀酒德

楊監又出畫鷹十二扇

近時馮紹正能畫鷲為樣明公出此圖無乃傳其狀殊姿各獨立清絕心有向疾禁千里馬氣敵萬人將憶昔驪山宮冬移含元仗天寒大羽

獵此物神俱。王當時無凡材。百中皆用壯。粉墨形似間。識者一惆悵。干戈少暇日。真骨老崖嶂。為君除狡兔。會是翻鞞上。

送殿中楊監赴蜀見相公

去水絕還波。洩雲無定姿。人生在世間。聚散亦暫時。離別重相逢。偶然豈定期。送子清秋暮。風物長年悲。豪傑俊貴勲業。邦家頻出師。相公鎮梁益。軍事無子遺。解榻再見今。用才復擇誰。况子已高位。為郡得固辭。難拒供給費。慎哀漁奪私。干戈未甚息。紀綱正所持。汎舟巨石橫。登陸草露滋。山門日易久。當念居者思。

贈李十五丈別

峽人鳥獸居。其室附層巔。下臨不測江。中有萬里船。多病絲倚薄。少留改歲年。絕域誰慰懷。開顏喜名賢。孤陋忝末親。等級敢比肩。人生意氣合。相與襟袂連。一日兩遣僕。三日一共筵。揚論展寸心。壯筆過飛泉。玄成美價存。子山舊業傳。不聞八尺軀。常受衆目憐。且為辛苦行。蓋被生事牽。北迴白帝棹。南入黔陽天。沂公制方隅。迴出諸侯先。封內如太古。時危獨蕭然。清高金莖露。正直朱絲弦。昔在堯四岳。今之黃穎川。于邁恨不同。所思無由宣。山深水增波。解榻秋露懸。客遊雖云久。主要月再圓。晨集風渚亭。醉操雲嶠篇。丈夫貴知己。歡罷念歸旋。

種萬苜

陰陽一錯亂驕蹇不復理枯旱于其中炎方慘如燬植物半蹉跎嘉生
將已矣雲雷歎奔命師伯集所使指揮赤白日瀕洞晴光起雨聲先已
風散足盡西靡山泉落滄江霹靂猶在耳終朝紆颯沓信宿罷蕭洒堂
下可以畦呼童對經始昔兮蔬之常隨事執其子破塊數席間荷鋤功
易止兩旬不甲拆空惜埋泥滓野菟迷汝來宗生實於此葦豈無秋
亦蒙寒露委翻然出地速滋蔓戶庭毀因知邪干正掩抑至沒齒賢良
雖得祿守道不封已擁塞敗芝蘭衆多盛荆杞中園陷蕭艾老圃永
為恥登于白玉盃藉以加霞綺莫也無所施胡顏入筐篚

驅豎子摘蒼耳

江上秋已分林中瘴猶劇畦丁告勞苦無以供日夕蓬莠獨不燹野蔬暗
泉石卷耳况療風童兒且時摘侵星驅之去爛熳任遠適放筐亭午際
洗剝相蒙密音幕登牀半生熟下筋還小益加點瓜薤間依稀橘奴跡亂
世誅求急黎民糠粃窄音核飽食復何心荒哉膏粱客富家厨肉臭戰地骸
骨白寄語惡少年黃金且休擲

信行遠脩水筒引泉筒

汝性不如葦清淨僕夫內秉心識本源於事少礙滯雲端水筒圻林
表山石碎觸熱藉子脩通流與厨會往來四十里荒險崖谷大日曛
驚未殮貌赤愧相對浮瓜供老病裂餅常所愛於斯答恭謹足以殊

殿最詎要方士符。何假將軍蓋。行諸直如華。用意崎嶇外。

催宗文樹雞柵

吾哀怯行邁。旅次展崩迫。愈風傳烏雞。秋卯方漫喫。自春生成者。隨
毋向百翮驅。趨制不禁喧。呼山腰宅。課奴殺青竹。終日憎赤憤。踏藉盤案
翻。塞蹊使之隔。牆東有隙地。可以樹高柵。避熱時來歸。問兒所為跡。織
籠曹其內。令人不得擲。稀間可突過。甯爪還污席。我寬蝼蟻遭。彼免
狐貉厄。應宜各長幼。自此均勅敵。籠柵念有脩。近身見損益。明領處
分。當剖析。不昧風雨晨。亂離減憂感。其流則凡鳥。其氣心匪石。倚
賴窮歲晏。撥煩去冰釋。未似尸鄉翁。拘留蓋阡陌。

雨

行雲逝崇高。飛雨霽而至。潺湲石澗溜。汨汨松上駛。亢陽乘秋熱。百穀皆
已棄。皇天德澤降。焦卷有生意。前雨傷卒暴。今雨喜容易。不可無雷
霆。間作鼓增氣。佳聲達中宵。所望時一致。清霜九月天。髣髴見滯穗。
郊扉及我私。我圃日蒼翠。恨無抱甕力。庶減臨江費。

雨

峽雲行清曉。烟霧相徘徊。風吹蒼江樹。雨灑石壁來。淒淒生餘寒。殷
兼出雷白。谷變氣候朱。炎安在哉。高鳥濕不下。居人門未開。楚宮久
已滅。幽佩為誰哀。侍臣書玉夢。賦有冠古才。冥冥翠龍駕。多自巫

山臺

雨二首

青山淡無姿。白露誰能數。片水工雲蕭。沙中雨殊俗。狀巢居。曾
臺附風渚。佳客適萬里。沉思情延佇。掛帆遠絕外。驚浪滿吳楚。久
陰蛟螭出。寇盜復幾許。

空山中宵陰微冷。先枕席回風起。清曙萬象。萋已碧。落日出岫雲
渾。倚天石日假何道。行雨含長江。白連檣。荆州船有士。荷戈戟。南防
草鎮慘沾濕。赴遠役。羣盜下辟山。總戎備強敵。水深雲光廓。鳴舫
各有適。漁艇息悠。夷歌負樵客。畱滯一老翁。書時記朝夕。

八哀詩 并序

傷時盜賊未息。興起王公。李公嘆舊懷。賢終于張相國。八公前後
存沒。遂不詮次焉。

贈司空王公思禮

司空出東口。童稚刷勁翮。追隨燕薊兒。穎銳物不隔。服事哥舒翰。意
無流磧沙。未甚拔行間。犬戎大充斥。短小精悍姿。屹然強寇敵。貫穿
百萬衆。出入由咫尺。馬鞍懸將首。甲外控鳴鏑。洗劍青海水。刻銘天山
石。九曲非外藩。其王轉深壁。飛兔不近駕。鷲鳥資遠擊。曉達兵家流。
飽聞春秋癖。胸襟日沈靜。肅自有適。潼關初潰散。萬乘猶辟易。偏

裨無所施。元帥見手格。太子入朔方。至尊狩梁益。胡馬纏伊洛。中原
氣甚逆。肅宗登寶位。塞望勢敦迫。公時徒步至。請罪將厚責。際會
清河公。間道傳玉冊。天王拜跪畢。讜議果氷釋。翠華卷飛雪。熊
虎亘阡陌。屯兵鳳凰山。帳殿涇渭關。金城賊咽喉。詔鎮雄所搃。禁暴靖
無雙。爽氣春浙瀝。卷有從公歌。野多青上麥。及夫哭廟後。復領太原役。
恐懼祿位高。悵望王土窄。不得見清時。嗚呼就窀穸。永繫五湖舟。悲甚
田橫客。千秋汾晉間。事與雲水白。昔觀汾文苑。傳豈述廉藺。績嗟鄧
大夫。士卒終倒戟。

故司徒李公光弼

司徒天寶末。北收晉陽甲。曰騎攻吾城。愁絕寂意不愜。人安若泰山。薊
北斷右脅。翔方氣乃蘇。黎首見帝業。二宮泣西郊。九廟起頽壓。未散
河陽卒。思明偽臣妾。復自碣石來。火焚乾坤獵。高視笑祿山。公又大獻
捷。異王冊崇勳。小敵信所怯。擁兵鎮河汴。千里初安貼。青蠅紛營。風
雨秋一葉。內省未入朝。死淚終映睫。大屋去高棟。長城掃遺堞。平生白羽
扇。零落蛟龍匣。雅望與英姿。惻愴槐里接。三軍晦光彩。烈士痛稠疊。直
筆在史臣。將來洗箱篋。吾思哭孤塚。南紀阻歸楫。扶顛永蕭條。未濟失
利涉。疲_{乃結切}茶竟何人。灑涕巴東峽。

贈左僕射鄭國公嚴公武

鄭公瑚璉器華岳金天晶昔在童子日已聞老成名
巍然大賢後復見秀骨清開口取將相
小心事友生閱書百氏盡落筆四座驚
歷職匪父任嫉邪嘗力爭漢儀尚整肅
口騎忽縱橫飛傳自河隴逢人問公卿
不知萬乘出雪涕風悲鳴受詞劍閣道
謁帝蕭關城寂寞雲臺仗飄飄沙塞
旌江山少使者笳鼓凝皇情壯士血
相視忠臣氣不平密論貞觀體揮發
岐陽征感激動四極聯翩收二京西郊
牛酒再原廟丹青明匡汲俄寵辱衛霍
竟哀榮四登會府地三掌華陽兵京兆
空柳色尚書無履敬羣烏自朝夕白馬
休橫行諸葛蜀人愛文翁儒化成公來
雪山輕記室得何遜韜鈴延子荆四郊
失壁壘虛館開逢迎堂上指圖

畫軍中吹玉笙豈無成都酒憂國只細
傾時觀錦水釣問俗終相并意待犬戎
滅人藏紅粟盈以茲報主願庶或裨世
程炯一心在沉二豎嬰顏回竟短折賈
誼徒忠貞飛旆出江漢孤舟轉荆衡
虛無馬融笛悵望龍驤空餘老賓客身
上愧簪纓

贈太子太師汝陽郡王琿

汝陽讓帝子眉宇真天人虬髯似太宗
色映塞外春昔者開元中主恩視遇頻
出入獨非時禮異見群臣愛其謹潔極
倍此骨俗肉親從容退朝後或在風雪
晨忽思格猛獸苑囿騰清塵羽旗動若
一萬馬肅駢駢詔王來射雁拜命已挺身
箭出飛鞞內上又回翠麟翻然紫塞翻
下

拂明月輪胡人雖獲多天笑不為新王每中一物手自與金銀袖中諫
獵書扣馬久上陳竟無銜縶虞聖聰矧多仁官免供給費水有在漆
鱗匪惟帝老大皆是王忠勤晚年務置醴門引申白賓道大容無
能永懷侍芳茵好學尚貞烈義形必沾巾揮翰綺繡揚篇什若有神
川廣不可泝墓久狐兔鄰宛彼漢中郡文雅見天倫何以開我悲泛
舟俱遠津温昔風味少壯已書紳舊遊易磨滅哀謝增酸辛

贈秘書監江夏李公邕

長嘯宇宙間高才日陵替古人不可見前輩復誰繼憶昔李公存詞林
有根抵聲華當健筆灑落富清製風流散金石追琢山岳銳情窮造

化理學貫天人際干謁走其門碑版照四裔各滿深望還森然起凡例蕭
蕭白揚露路洞澈寶珠惠龍宮塔廟湧浩劫浮雲衛宗儒俎豆事故
吏去思計眇昧已皆虛跋涉曾不泥向來映當時豈獨勸後世豐屋
珊瑚鈎騏驎織成罽紫駟隨劍几義取無虛歲分宅脫驂間感激懷
未濟衆歸調給美擺落多藏穢獨步四十年風聽九臯唳嗚呼江夏安
竟掩宣尼袂往者武后朝引用多寵嬖否威太常議面折二張勢哀俗凜生
風排蕩秋旻霽忠貞負冤恨宮闕深旒綴放逐早睽翩低垂困炎厲日斜
鵬鳥入魂斷蒼梧帝榮枯走不暇星駕無安稅幾分漢庭竹夙擁文侯
篋終悲洛陽獄事近小臣斃袍階初負謫易力何深瘳伊昔臨淄亭酒

酣託未契。重叙東都別。朝陰改軒砌。論文到崔蘇。指盡流水逝。近伏盈川
雄。未甘特進麗。是非張相國。相阨一危脆。爭名古豈然。閑棹歛不閑。例及
吾家詩。曠懷埽氛翳。慷慨嗣真作。咨嗟玉山桂。鍾律儼高懸。鯤鯨
噴迢遞。坡陀青州血。蕪沒汶陽瘞。哀贈竟蕭條。息波延揭厲。子孫存
如線。舊客舟凝滯。君臣尚論兵。將帥接燕薊。朗詠六公篇。憂來豁蒙蔽。

故秘書少監武功蘇公源明

武功少也孤。徒步客徐兗。讀書東岳中。十載考墳典。時下菜蕪郭。忍
飢浮雲囁。負米晚為身。每食臉必泫。夜字照燕薪。垢衣生碧蘚。庶以
勤苦志。報茲劬勞願。學蔚醇儒姿。文包舊史善。灑落辭幽人。歸來

潛京輦。射君東堂策。宗匠集精選。制可題未乾。乙科已大闡。文章
日自負。吏祿亦累踐。晨趨閭闔內。足踏夙昔趼。一麾出守還。黃屋翔
風卷。不暇陪八駿。口庭悲所遣。平生滿樽酒。斷此朋知展。憂憤病二秋。有
恨石可轉。肅宗復社稷。得無順逆辨。范曄願其兒。李斯憶黃犬。秘書
茂松色。再扈祠壇墀。前後百卷文。枕籍皆禁鬻。篆刻揚雄流。溟漲本
未淺。青熒芙蓉劍。犀兕豈獨刺。反為後輩襲。予實苦懷緬。煌。齋
房。迄事絕萬手。寧垂之俟來者正。始徵勸勉。不要懸黃金。胡為投乳
贖。結交三十載。吾誰與遊衍。滎陽復冥冥。罪罟已橫冒。嗚呼子逝日
始泰則終蹇。長安米萬錢。凋喪盡餘喘。戰伐何當解。歸帆阻清沔。

尚纏漳水疾永負蒿里餞

故著作郎貶台州司戶榮陽鄭公虔

鷄鷓至魯門不識鐘鼓饗孔翠望赤霄愁思雕籠養榮陽冠眾儒早
聞名公賞地崇士大夫况乃精氣爽天然生知資學立游夏上神農或
關陋黃石愧師長藥纂西極名兵流指諸掌貫穿無遺恨蒼叢何技
癢圭臬星經與蟲篆丹青廣子雲窺未遍方朔諧太枉神翰顧不一體
變鍾兼兩文傳天下口大字猶在榜昔獻書畫圖新詩亦俱往滄洲動玉
陛寡鶴誤一響三絕自御題四方尤所仰嗜酒益踈放彈琴視天壤形
骸實土木親近惟几杖未曾寄官曹突兀倚書幌晚就芸香閣口塵昏

塊莽反覆歸聖朝點染無滌盪老蒙台州椽泛浙江槩履穿四明雪
饑拾^篇猶溪橡空聞紫芝歌不見杏壇文天長眺東南秋色餘魍魎別
離慘至今斑白徒懷曩春深秦山秀葉墜清渭朗劇談王侯門野稅
林下鞅操紙終夕酣時物集遐想詞場竟踈濶平昔濫吹獎百年見存沒
牢落吾安放蕭條阮咸在出處同世網他日訪江樓含悽述飄蕩

故右僕射相國張公九齡

相國生南紀金璞無留礦^{孟切}仙鶴下人間獨立霜毛整矯然江海思復與雲
路永寂寞冥想土堦未遑等箕頰上君白玉堂倚君金華省碣石歲崢嶸
天地日蛙黽退食吟大庭何心記榛梗骨驚畏曩哲鬢變負人境雖蒙

換蟬冠。右地女初多幸。敢忘二疏歸。痛迫蘇耽井。紫綬映暮年。荊州謝
所領。庾公興不淺。黃霸鎮每靜。賓客引調同。諷咏在務屏。詩罷地有餘。
篇終語清省。一陽發陰管。淑氣含公鼎。乃知君子心。用才文章境。散帙
起翠螭。倚薄巫廬並。綺麗玄暉擁。成誅任昉騁。自我一家則。未闕隻
字警。千秋滄海南。名繫朱鳥影。歸老守故林。戀闕悄延頸。波濤良史
筆。蕪絕大庾嶺。向時禮數隔。制作難上請。再讀徐孺碑。猶思理煙艇。

往在

往在西京日。來滿彤宮中。宵焚九廟雲。漢為之紅。解瓦飛十里。總帷
紛曾空。疚心惜木主。一。灰悲風合昏排。鐵騎清旭散錦幪。賊臣表送

節相賀以成功。是時妃嬪戮連為糞土。叢當宁陷玉座。白間剝畫蟲。
不知二聖處。私泣百歲翁。車馬既云還。楹桷凝穹崇。故老復涕泗。祠官
樹椅桐。宏壯不如初。已見帝力雄。前春禮郊廟。祀事親聖躬。微軀忝
近臣。景從陪群公。登階捧玉冊。歲冕金鐘侍。祠聆惡先露。掖垣邇濯龍。
天子惟孝孫。五雲起九重。鏡奩換粉黛。翠羽猶葱朧。前者厭錫。後未
遭犬戎。俎豆腐羶肉。眾惡行角方。安得自西極。申命空山東。盡驅詣闕下。
士庶塞關中。主將曉送順元。歸始終一朝。自罪已萬里。車書通鋒鏑。共鋤
犁。征戍聽所從。冗官各復業。土著還力農。君臣節儉足。朝野懽呼同。
中興似國初。繼體同太宗。端拱納諫諍。和風日冲融。赤墀櫻桃枝。隱

映銀絲籠千春薦靈寢永垂無窮京都不再火涇渭開愁容歸蹕
故松柏老去苦飄蓬

昔遊

昔者與高李晚登單父臺寒蕪際碣石萬里風雲來桑柘葉如雨
飛藿去徘徊清霜大澤凍禽獸有餘哀是時倉廩實洞達寰區開
猛士思滅口將帥望三台君王無所惜駕馭英雄才幽燕盛用武供給
亦勞哉吳門轉粟帛泛海陵蓬萊肉食三十萬獵射起塵埃隔河憶
長眺青歲已摧頽不及少年日無復故人杯賦詩獨流涕亂世想賢
才有能市駿骨莫恨少龍媒高山議得失蜀主脫嫌疑呂尚封國邑

傳說已鹽梅景宴楚山深水鶴去低徊龐公任本性携子卧蒼苔

壯遊

往昔十四五出遊翰墨場斯文崔魏徒以我似班揚七齡思即壯開口詠鳳凰

九齡書大字有作承一囊性豪業嗜酒嫉惡懷剛腸脫略小儒輩交結皆
老蒼飲酣視八極俗物多茫東下姑蘇臺已具浮海航到今有遺恨不
得窮扶桑王謝風流遠闔閭丘墓荒劍池石壁仄長洲芰荷香嗟峨閭
門北清廟映回塘每趨吳太伯撫事淚浪枕戈憶勾踐渡浙想秦皇蒸
魚聞七首除道哂要章越女天下白鏡湖五月涼剡溪蘊秀異欲罷不能
忘歸帆拂天姥中歲貢舊鄉氣廟屈賈壘目短曹劉牆忤下考功第

獨辭京尹堂。放蕩齊趙間。裘馬頗清狂。春歌叢臺上。冬獵青丘旁。呼鷹
皂樞林。逐獸雲雪岡。射飛曾縱鞚。引臂落鵝鶩。蘇侯據鞍喜。忽如携舊
疆。快意八九年。西歸到咸陽。許與必詞伯。賞遊實賢王。曳裾置醴地。奏賦
入明光。天子廢食名。羣公會軒裳。脫身無所愛。痛飲信行藏。黑貂寧免
弊。斑鬢兀稱觴。杜曲晚耆舊。四郊多白楊。坐深鄉黨敬。日覺死生忙。朱門
任傾奪。赤族迭罹殃。國馬竭粟豆。官雞輸稻粱。舉隅見繁費。引古惜興亡。
河朔風塵起。岷山行李長。兩宮冬警蹕。萬里遙相望。崆峒殺氣黑。少海
旌旗黃。禹功亦命子。涿鹿親戎行。翠華擁吳岳。螭虎噉豺狼。爪牙一
不中。胡兵更陸梁。大軍載草。凋瘵滿膏肓。脩員竊補衮。憂憤心飛揚。
上感九廟焚。下憫萬民瘡。斯時伏青蒲。廷諍守御床。君辱敢愛死。赫
怒幸無傷。聖哲體仁恕。宇縣復小康。哭廟灰燼中。鼻酸朝未央。小臣
議論絕。老病各殊方。鬱鬱苦不展。羽翮困低昂。秋風動衰壑。碧蕙捐
微芳。之推避賞從。漁父濯滄浪。榮華敵勲業。歲暮有嚴霜。吾觀鷗
夷子。才格出尋常。羣兇送未定。側宇英俊翔。

遣懷

昔我遊宋中。惟梁孝王都。名今陳筓亞。劇則貝魏俱。邑中九萬家。高
棟照通衢。舟車半天下。主客多歡娛。白刃讎不義。黃金傾有無。殺人
紅塵裏。報答在斯須。憶與高李輩。論交入酒壚。兩公壯藻思。得我色

敷腴氣酣登吹臺。懷古視平蕪。芒碭雲一去。雁鷺空相呼。先帝正好
武。寰海未凋枯。猛將收西域。長戟破林胡。百萬攻一城。獻捷不云輸。組
練棄如泥。尺土負百夫。拓境功未已。元和辭大鑪。亂離朋友盡。合沓
歲月徂。吾哀將焉託。存沒再嗚呼。蕭條益堪愧。獨在天一隅。乘黃
已去矣。凡馬徒區區。不復見顏鮑。繫舟卧荆巫。臨餐吐更食。嘗恐違撫孤。

西閣曝日

凜冽倦玄冬。負暄嗜飛閣。羲和流德澤。顛頊愧倚薄。毛髮具自和。肌
膚沃潛沃。若太陽信深仁。衰氣歛有託。歌傾煩注眼。容易收病脚。流離
木杪猿。翩躚山巔鶴。朋知苦聚散。哀樂日已作。即事會賦詩。人生忽

如昨。古來遭喪亂。賢聖盡蕭索。胡為將暮年。憂世心力弱。

晚登灤上堂

壞平聲

故躋灤岸高。頗免崖石擁。開襟野堂豁。繫馬林花動。雉堞粉似雲。山
田麥無隴。春氣晚更生。江流靜猶湧。四序嬰我懷。羣盜久相踵。黎民困
送節。天子渴垂拱。所思注東北。深峽轉脩聳。衰老自成病。郎官未為冗。
淒其望李呂。葛不復夢周孔。濟世數嚮時。斯人各枯冢。楚星南天黑。
蜀月西霧重。安得隨鳥翎。迫此懼將恐。

園官送菜 并序

園官送菜把本數日闕。矧苦苴馬齒掩乎嘉蔬。傷小人妬害君

子菜不足道也。比而作詩。

清晨蒙菜把。常荷地主恩。守者愆實數。略有其名存。苦苣刺如針。馬齒葉亦繁。青嘉蔬色。埋沒在中園。吏未足怪。世事因堪論。嗚呼。戰伐久。荆棘暗長原。乃知苦苣輩。傾奪蕙草根。小人塞道路。為態何喧。又如馬齒盛。氣擁葵荏昏。點染不易虞。絲麻襍羅紈。一經器物內。永掛簷刺痕。志士採紫芝。放歌避戎軒。畦丁負寵至。感動百慮端。

園人送瓜

江間雖炎瘴。瓜熟亦不早。柏公鎮夔國。滯務茲一掃。食新先戰士。共少及溪老。傾筐蒲鵠青。滿眼顏色好。竹竿接嵌竇。引注來鳥道。沉浮亂

水玉。愛惜如芝草。落刃嚼冰霜。開懷慰枯槁。許以秋蒂除。仍看小童抱。東陵跡蕪絕。楚漢休征討。園人非故侯。種此何草。

課伐木并序

課隸人伯夷辛秀信行等入谷斬陰木。人日四根止。維條伊枚。正直挺然。晨征暮返。委積庭內。我有藩籬。是缺是補。載伐篠蕩。伊仗支持。則旅次於小安。山有虎。知禁若恃爪牙之利。必昏黑撞突。夔人屋壁。列樹白菊。鏝為墻。實以竹。示式過。為與虎近。混淪乎無良。賓客憂害馬之徒。苟活為幸。可默息已。作詩示宗武。誦長夏無所為。客居課奴僕。清晨飯其腹。持斧入白谷。青冥層巔後。十

里斬陰木。人肩四根已。亭午下山麓。尚聞丁。聲。功課日各足。蒼皮成。
委積。素節相照燭。藉汝跨小籬。當仗苦虛竹。空荒咆熊羆。乳獸待人
肉。不示知禁情。豈惟干戈哭。城中賢府主。處貴如白屋。蕭。理體淨。蜂蠆
不敢毒。虎穴連里閭。隄防舊風俗。泊舟滄江岸。久客慎所觸。舍西崖嶠壯。
雷雨蔚含畜。牆宇資屢脩。衰年怯幽獨。爾曹輕執熱。為我忍煩促。秋
光近青岑。季月當泛菊。報之以微寒。共給酒一斛。

柴門

泛舟登灤西。回首望兩崖。東城乾旱天。其氣如焚柴。長影沒窈窕。餘光
散吟呀。大江蟠嵌根。歸海成一家。下衝割坤軸。竦壁攢鏐鋸。蕭颯洒

秋色。氛昏霾日車。峽門自此始。最窄容浮查。禹功翊造化。疏鑿就欹斜。巨
渠決太古。衆水為長蛇。風煙渺吳蜀。舟楫通鹽麻。我今遠遊子。飄轉混泥
沙。萬物附本性。約身不願奢。茅棟蓋一牀。清池有餘花。濁醪與脫粟。在
眼無咨嗟。山荒人民少。地僻日夕佳。貧窮固其常。富貴任生涯。老于干
戈際。宅幸蓬葦遮。石亂上雲氣。杉清延日華。賞妍又分外。理愜夫何誇。
足了垂白年。敢居高士差。書此豁平昔。回首猶暮霞。

槐葉冷淘

青。高槐葉。采掇付中厨。新麪來近市。汁滓宛相俱。入鼎資過熟。加餐
愁欲無。碧鮮俱照筋。香飯兼苞蘆。經齒冷于雪。勸人投比珠。願隨金

騷囊走置錦屠蘇。路遠思恐泥興深。終不渝。獻芹則小。薦藜明區。

上後園山腳

朱夏熱所嬰。清旭步北林。小園背高岡。挽葛上崎嶇。曠望延駐目。飄飄散踈襟。潛鱗恨水壯。去翼依雲深。勿謂地無疆。劣于山有陰。石標竟遍天下。水陸兼浮沉。自我登隴首。十年經碧岑。劍門來巫峽。薄倚浩至今。故園暗戎馬。骨日失追尋。時危無消息。老去多歸心。志士惜白日。久客藉黃金。敢為蘇門嘯。庶作梁父吟。

行官張望補稻畦水歸

東屯大江北。百頃平若案。六月青稻多。千畦碧泉亂。挿秧適云已。引濬加溉灌。更僕往方塘。決渠當斷岸。公私各地著。浸潤天無旱。主守問家臣。分朋見溪畔。羊。炯翠羽。剡。生銀漢。鷗鳥鏡裏來。關山雪邊看。秋菰成黑米。精鑿傳白粲。玉粒足晨炊。紅鮮任霞散。終然添旅食。作苦期壯觀。遺穗及衆多。我倉戒滋漫。

秋行官張望督促東渚耗稻向畢清晨遣女奴阿稽暨子阿

段往問

東渚雨今足。佇聞稷稻香。上天無偏頗。蒲稗各自長。人情見非類。田家戒其荒。功夫競捐。除草置岸旁。穀者命之本。客居安可忘。青春具所

務勤墾免亂常。吳牛力容易。並驅絲遊場。豐苗亦已穡。雲水照方塘。
有生固蔓延。靜一資隄防。督領不無人。提携頗在綱。荆揚風土暖。肅候微
霜尚恐主守疎。用心未甚感。清朝遣婢僕。寄語踰崇岡。西成聚必散。不
獨陵我倉。豈要仁里譽。感此亂世忙。北風吹蒹葭。蟋蟀近中堂。荏苒百工
休。鬱紆遲暮傷。

阻雨不得歸灤西甘林

三伏適已過。驕陽化為霖。欲歸灤西宅。阻此江浦深。壞舟百板圻。峻岬
復萬尋。篙工初一棄。恐泥勞寸心。佇立東城隅。悵望高飛禽。草堂亂
玄圃。不隔崑崙岑。昏渾衣裳外。曠絕同曾陰。園甘長成時。三寸如黃金。

諸侯舊上計。厥貢傾千林。邦人不足重。所迫豪吏侵。客居暫封殖。日
夜偶瑤琴。虛徐五株態。側塞煩胸襟。安得輟雨足。杖藜出嶇嶽。條流
數翠實。偃息歸碧潯。拂拭烏皮几。喜聞樵牧音。令兒快搔背。脫我頭
上簪。

甘林

捨舟越西岡。入林解我衣。青芻適馬性。好鳥知人歸。晨光映遠岫。夕露
見日晞。遲暮少寢食。清曠喜荆扉。經過倦俗態。在野無所違。試問甘
藜藿。未肯羨輕肥。喧靜不同科。出處各天機。勿矜朱門是。陋此白屋非。
明朝步隣里。長老可以依。時危賦斂數。脫粟為尔揮。相携行豆田。秋花

藹菲子實不得喫。貨市送王畿。盡添軍旅用。迫此公家威。主人長跪問。戎馬何時稀。我哀易悲傷。屈指數賊圍。勸其死。王命慎莫違。奮飛

雨

山雨不作泥。江雲薄為霧。晴飛半嶺鷲。風亂平沙樹。明滅洲景微。隱見巖姿露。拘悶出門遊。曠絕經目趣。消中日伏枕。卧久塵及屨。豈無平肩輿。莫辨望鄉路。干戈浩未息。蛇虺及相顧。悠々邊月破。鬱々流年度。針灸阻朋曹。糠粃對童孺。一命須屈色。新知漸成故。窮荒益自卑。飄泊欲誰訴。疋羸愁應接。俄頃恐違迕。浮俗何萬端。幽人有高步。龐公竟獨往。尚子終罕遇。宿留洞庭秋。天寒瀟湘素。杖策可入舟。送此齒髮暮。

聽楊氏歌

佳人絕代歌。獨立發皓齒。滿堂慘不樂。響下清虛裏。江城帶素月。况乃清夜起。老夫悲暮年。壯士淚如水。玉杯久寂寞。金管迷宮徵。勿云聽者疲。愚智心盡死。古來傑出士。豈特一知己。吾聞昔秦青。傾側天下耳。

贈蘇四侯

異縣昔同遊。各云厭轉蓬。別離已五年。尚在行李中。戎馬日哀息。乘輿安九重。有才何栖々。將老慰所窮。為郎未為賊。其奈疾病攻。子何面黧黑。烏得豁心胸。巴蜀倦剝劫。下愚成土風。幽薊已削平。荒徼尚彎弓。斯人脫身來。豈惟非吾道。東乾坤雖寬大。所適裝囊空。肉食哂菜色。少

壯欺老翁况乃主客間古來偏側同君今下荆揚獨帆如飛鴻二州豪
俠場人馬皆自雄一請甘飢寒再請甘養蒙

寄薛三郎中據

人生無賢愚飄飄若埃塵自非得神仙誰免危其身與子俱白頭後
常苦辛雖為尚書郎不及村野人憶昔村野人其樂難具陳藹藹桑
麻交公侯為等倫天未厭戎馬我輩本長貧子尚客荊州我亦滯江
濱峽中一卧病瘡癩終冬春復加肺氣此病蓋有因早歲與蘇鄭
痛飲情相親二公化為土嗜酒不失真余今委脩短豈得恨命屯聞子
心甚壯所過信席玳上馬不用扶每扶必怒嗔賦詩賓客間揮灑動
八垠乃知蓋代手才力老益神青草洞庭湖東浮滄海濬君山可避暑
况足采白蘋子豈無扁舟往復江漢津我未下瞿唐空念禹功勤聽說
松門峽吐藥攬衣巾高秋却束帶鼓枻視青旻鳳池日澄碧濟水多
士心新余病不能起健者勿逡巡上有明哲君下有行化臣

奉酬薛十二丈判官見贈

忽、峽中睡悲風方一醒西來有好鳥為我下青冥羽毛淨白雪慘
愴飛雲汀既蒙主人顧舉翮唳孤亭持以比佳士及此慰揚舲清文動
哀玉見道發新硎欲學鴟夷子待勒燕山銘誰重斬邪劍致君未
聽志在麒麟閣無心雲母屏卓氏近新寡豪家朱門扃相如才調逸

銀漢會雙星。客來洗粉黛。日暮拾流螢。不是無膏火。勸即勤六經。老
老夫自汲澗。野水日冷。我歎黑頭白。君看銀印青。卧病識山鬼。為農知
地形。誰矜坐錦帳。若厭食魚腥。東西兩岸圻。橫水注滄溟。碧色忽惆悵。
風雷搜百靈。空中右白虎。赤節引娉婷。自云帝里女。蘇四切喚雨鳳凰翎。襄王
薄行跡。莫學冷如丁。千秋一拭淚。夢覺有微馨。人生相感動。金石兩青瑩。
丈人但安在。休辨渭與涇。龍蛇尚格鬪。灑血暗郊坰。吾聞聰明主。治國用
輕刑。銷兵鑄農器。今古歲方寧。文王日儉德。俊乂始盈庭。榮華貴少
壯。豈食楚江蘋萍。

下大曆中公居夔州出
至江陵作

鄭典設自施州歸

以下大曆中公居夔州出
至江陵作

吾憐滎陽秀。冒暑初有適。名賢慎出處。不肯妄行役。旅茲殊俗遠。竟
以屢空迫。南謁裴施府。氣合無險僻。攀援懸根木。登頓入天石。青山自
一川。城郭洗憂戚。聽子話此邦。令我心悅懌。其俗則淳朴。不知有主客。温
温諸侯門。禮亦如古昔。敕厨倍常羞。盃盤頗狼籍。時雖屬喪亂。事貴
賞匹敵。中宵愜良會。裴鄭非遠戚。羣書一萬卷。博涉供務隙。他日辱
銀鈎。森疎見矛戟。倒屣喜旋歸。畫地求所歷。乃聞風土質。又重田
疇闢。刺史似寇恂。列郡宜競借。叶全北風吹瘴癘。羸老思散策。渚拂蒹
葭寒。嶠穿蘿葛幕。此身仗兒僕。高興潛有激。孟冬方首路。強飯取
崖壁。歎爾疲駑駘。汗溝血不赤。終然備外飾。駕馭何所益。我有平肩

輿前途猶準的。翩入鳥道。庶脫蹉跌厄。

寫懷二首

勞生共乾坤。何處異風俗。舟自趨競行。見羈束。無貴賤。不卑悲。無富貧亦足。萬古一骸骨。隣家遞歌哭。鄙夫到巫峽。三歲如轉燭。全命甘留滯。忘情任榮辱。朝班及暮齒。日給還脫粟。編蓬石城東。采藥山北谷。用心霜雪間。不必條蔓綠。非閑故安排。曾是順幽獨。達士如弦直。小人似鈎曲。直吾不知負。暄候樵牧。

夜深坐南軒。明月照我膝。驚風翻河漢。梁棟日已出。羣生各一宿。飛動自儔匹。吾亦驅其兒。營為私實。天寒行旅稀。歲暮日月疾。榮名

忽中人。世亂如機螭。古者三皇前。滿腹志願畢。胡為有結繩。陷此膠與漆。袒首燧人氏。厲階董狐筆。君看燈燭張。轉使飛蛾家。放神八極外。俛仰俱蕭瑟。終契如往還。得匪合仙術。

別李義

神堯十八子。十七王其門。道國洎舒國。實惟親弟昆。中外貴賤殊。余亦忝諸孫。丈人嗣三葉。之子白玉溫。道國繼德業。請從丈人論。丈人領宗卿。肅睦古制敦。先朝納諫諍。直氣橫乾坤。子建文章壯。河間經術存。尔克富詩禮。骨清慮不喧。洗然遇知己。談論淮湖奔。憶昔初見時。小襦繡芳蓀。長成忽會面。慰我久疾魂。三峽春冬交。江山雲霧昏。正宜

且聚集恨此當離罇。莫怪執盃遲。我哀涕唾重。問子何之。西上岷江源。
顧子少干謁蜀都。足戎軒。誤失將帥意。不如親故恩。少年蚤歸來。梅
花已飛翻。努力慎風水。豈惟數監殄。猛虎卧在案。蛟螭出無痕。王子自
愛惜。老夫困石根。生別古所嗟。發聲為尔吞。

送高司直尋封閬州

丹雀銜書來。暮棲何鄉樹。驂騑事天子。辛苦在道路。司直非冗官。荒山
甚無趣。借問泛舟人。胡為入雲霧。與子姻婭間。既親亦有故。萬里長江邊。
鮮后一相遇。長即肖曷再。公今上綿屨。清談慰老夫。開卷得佳句。時見文
以下大曆中公在江陵。憇公安。疇能忍漂寓。良會苦短促。溪行水奔
次岳州及居湖南作

注熊羆咆空林。遊子慎馳騫。西謁巴中侯。艱險如跬步。主人不世才。先帝
常特顧。拔為天軍佐。崇大王法度。淮海生清風。南翁尚思慕。公宮造
廣廈。木石乃無數。初聞伐松柏。猶卧天一柱。我瘦書不成。成字讀亦誤。
為我問故人。勞心練征戍。

大曆中公在江陵。憇公安。岳州及居湖南作。

送顧八分文學造洪吉州

中郎石經後。八分蓋憔悴。顧侯運鑪錘。筆力破餘地。昔在開元中。韓蔡同
員。顯。願。玄宗妙其書。是以數子至。御札早流傳。揄揚非造次。三人並入直。恩
澤各不二。願於韓蔡內。辨眼工小字。分日示諸王。鈎深法更秘。文學與我
遊。蕭瑟外聲利。追隨二十載。浩蕩長安醉。高歌卿相宅。文翰飛省寺。視

且聚集恨此當離樽。莫怪執盃遲。我哀涕唾重問子何之。西上岷江源。
顧子少干謁蜀都。足戎軒。誤失將帥意。不如親故恩。少年蚤歸來。梅
花已飛翻。努力慎風水。豈惟數監殮。猛虎卧在案。蛟螭出無痕。王子自
愛惜。老夫困石根。生別古所嗟。發聲為尔吞。

送高司直尋封閬州

丹雀銜書來。暮棲何鄉樹。驂駟事天子。辛苦在道路。司直非冗官。荒山
甚無趣。借問泛舟人。胡為入雲霧。與子姻婭間。既親亦有故。萬里長江邊。
邂逅一相遇。長卿消渴再。公幹沈綿屢。清談慰老夫。開卷得佳句。時見文
章士。欣然淡情素。伏枕聞別離。疇能忍漂寓。良會苦短促。溪行水奔

注熊羆咆空林。遊子慎馳騫。西謁巴中侯。艱險如跬步。主人不世才。先帝
常特顧。拔為天軍佐。崇大王法度。淮海生清風。南翁尚思慕。公宮造
廣廈。木石乃無數。初聞伐松柏。猶卧天一柱。我瘦書不成。成字讀亦誤。
為我問故人。勞心練征戍。

送顧八分文學適洪吉州

大曆中公在江陵憇公安
岳州及居湖南作

中郎石經後。八分蓋憔悴。顧侯運鑪錘。筆力破餘地。昔在開元中。韓蔡同
員顯。顧^{音避}玄宗妙其書。是以數子至。御札早流傳。揄揚非造次。三人並入直。恩
澤各不二。願於韓蔡內。辨眼工小字。分日示諸王。鈎深法更秘。文學與我
遊。蕭瑟外聲利。追隨二十載。浩蕩長安醉。高歌鄉相宅。文翰飛省寺。視

我班揚間。白首不相棄。驂騑入窮巷。必脫黃金轡。一論朋友難。遲暮敢失墜。古來事反覆。相見橫涕泗。向者玉珂人。誰是青雲器。才盡傷形體。病渴汚官位。故舊獨依然。時危話顛躓。我甘多病老。子負憂世志。胡為苦衣食。顏色少稱遂。遠作辛苦行。順從衆多意。舟楫無根蒂。蛟鼉好為祟。况兼水賊繁。特戒風颺駛。崩騰戎馬際。往。殺長吏子。干東諸侯勸。勉無縱恣。邦以民為本。魚饑費香餌。請哀瘡痍深。告訴皇華使。使臣精所擇。進德知歷試。惻隱誅求情。固應賢愚異。烈士惡苟得。俊傑思自致。贈子猛虎行。出郊載酸鼻。

別董頴

窮冬急風水。逆浪開帆難。士子甘旨闕。不知道里寒。有求彼樂土。南適小長安。別我舟楫去。覺君衣裳單。素聞趙公節。兼盡賓主歡。已結門廬望。無令霜雪殘。老夫纜亦解。脫粟朝未餐。飄蕩兵甲際。幾時懷抱寬。漢陽頗寧靜。峴首試考槃。當年著皂帽。采薇青雲端。

上水遣懷

我衰太平時。身病戎馬後。蹭蹬多拙為。安得不皓首。驅馳四海內。童稚日餬口。但遇新少年。少逢舊親友。低顏下色地。故人知善誘。後生血氣豪。舉動見老醜。窮迫挫曩懷。常如中風走。一紀出西蜀。於今向南斗。孤舟亂春華。暮齒依蒲柳。冥。九疑葬聖者。骨已朽。蹉跎陶唐人。鞭撻日月

久中間屈賈輩。諛毀竟自取。鬱沒二悲魂。蕭條猶在否。音四嵩峯清湘石。逆行雜林藪。篙工逞密巧。氣若酣杯酒。訶謳互激遠。回翰明受授。善知應觸類。各藉穎脫手。古來經濟才。何事獨罕有。蒼々衆色晚。熊掛玄蛇吼。黃羆在樹顛。正為群虎守。羸骸將何適。履險顏益厚。庶與達者論。吞聲混瑕垢。

遣遇

磬折辭主人。開帆駕洪濤。春水滿南國。朱崖雲日高。舟子廢寢食。飄風爭所操。我行匪利涉。謝尔從者勞。石間采蕨女。鬻菜輸官曹。丈夫死百役。暮返空村號。聞見事略同。刻剝及錐刀。貴人豈不仁。視

汝如莠蒿。索錢多門戶。喪亂紛嗷々。柰何黠吏徒。漁奪成逋逃。自喜遂生理。花時甘緼袍。

解憂

上水得脫
危險而作

減米散同舟。路難思共濟。向來雲濤盟。衆力亦不細。呀吭瞥眼過。飛檣本無蒂。得失瞬息間。致遠宜恐泥。百慮視安危。分明曩賢計。茲理庶可廣。拳々期勿替。

宿鑿石浦

早宿賓從勞。仲春江山麗。飄風過無時。舟楫敢不繫。迴塘澹暮色。日沒衆星嘒。關月殊未生。青燈死分翳。窮途多俊異。亂世少恩惠。鄙夫亦

放蕩草、頻卒歲。斯文憂患餘。聖哲垂彖繫。

早行

歌哭俱在曉。行邁有期程。孤舟似昨日。聞見同一聲。飛鳥數求食。潛魚亦獨驚。前王作網罟。設法害生成。碧藻非不茂。高帆終日征。干戈未揖讓。崩迫開其情。

過津口

南岳自茲異。湘流東逝深。和風引桂楫。春日漲雲岑。回首過津口。而多楓樹林。白魚困密網。黃鳥喧嘉音。物微限通塞。惻隱仁者心。瓮餘不盡酒。膝有無聲琴。聖賢兩寂寞。眇々獨開襟。

次空靈岸

云々送素浪。落々展清眺。幸有舟楫遲。得盡所歷妙。空靈霞石峻。楓栝隱奔峭。青春猶無私。白日已徧照。可使營吾居。終焉託長嘯。毒瘴未足憂。兵戈滿邊徼。嚮者留遺恨。恥為達人誚。迴帆覲賞延。佳處領其要。

宿花石戍

午辭空靈岑。夕得花石戍。岸疏開闢水。木雜古今樹。地蒸南風盛。春熱西日暮。四序本平分。氣候何回互。茫々天造間。理亂豈恒數。繫舟盤藤輪。杖策古樵路。罷人不在村。野圃泉自注。柴扉雖蕪沒。農器尚牢固。

固山東殘送氣。吳楚守王度。誰能叩君門。下令減征賦。

早發

有求常百慮。斯文亦吾病。以茲朋故多。窮老驅馳併。早行篙師怠。席掛風不正。昔人戒垂堂。今則奚奔命。濤翻黑蛟躍。日出黃霧映。煩促瘴豈侵。頽倚睡未醒。僕夫問盥櫛。暮顏覩青鏡。隨意簪葛巾。仰慙林花盛。側聞夜來寇。幸喜囊中淨。艱危作遠客。干請傷直性。薇蕨餓首陽。粟馬資歷聘。賤子欲適從。疑悞此二柄。

次晚洲

參錯雲石稠。坡陀風濤壯。晚洲適知名。秀色固異狀。棹經垂猿把。身

在度鳥上。擺浪散帙妨。危沙折花當。羈離暫愉悅。羸老反惆悵。中原未解兵。吾得終踈放。

望岳

南岳配朱鳥。秩禮自百王。歛吸領地靈。鴻洞半炎方。邦家用祀典。在德非馨香。巡狩何寂寥。有虞今則止。汨吾隘世網。行邁越瀟湘。渴日絕壁出。漾舟清光嘉。祝融五峯尊。峯次低昂紫。蓋獨不朝。爭長喋相望。恭聞魏夫人。羣仙共翱翔。有時五峰氣。散風如飛霜。牽迫限脩途。未暇杖崇岡。歸來覲命駕。沐浴休玉堂。三嘆問府主。曷以贊我皇。牲璧忍衰俗。神其思降祥。

詠懷二首

人生貴是男。丈夫重天機。未達善一身。得志行所為。嗟予竟軼軻。將
老逢艱危。口雖逼神器。送節同所歸。河洛化為血。公侯草間啼。西京
復陷末。沒翠蓋。蒙塵飛。萬姓悲赤子。兩宮棄紫微。倏忽向二紀。奸雄
多是非。本朝再樹立。未及貞觀時。日給在軍儲。上官督有司。高賢迫
形勢。豈暇相扶持。疲^{音鼻}茶苟懷策。棲屑無所施。先王實罪已。愁痛正為
茲。歲月不我與。蹉跎病于斯。夜看鄴城氣。回首蛟龍池。齒髮已自料。
意深陳苦辭。

邦危壞法則。聖遠益愁慕。飄飄桂水遊。悵望蒼梧暮。潛魚不銜鈎。
以下大曆中公居

走鹿無反顧。皦々幽曠心。拳々異平素。衣食相拘閔。朋知限流寓。風濤
上春沙。千里浸江樹。送行少吉日。時節空復度。井竈任塵埃。舟航煩
數具。牽纏加老病。瑣細隘俗務。萬古一死生。胡為足名數。多憂汗流
源。拙計泥銅柱。未辭炎瘴毒。擺落跋涉懼。虎狼窺中原。烏得所歷
住。葛洪及許靖。避世常此路。賢愚誠等差。自愛各馳騫。羸且如何。鯁奪
鍼灸屢。擁滯僮僕慵。稽留篙師怒。終當掛帆席。天意難告訴。南
為祝融客。勉強親杖屨。結託老人星。羅浮展衰步。

下大曆中公居湖南作

湘江宴餞裴二端公赴道州

白日照舟師。朱旗散廣川。羣公餞南伯。肅々秩初筵。鄙人奉末眷。佩服自

早年義均骨肉地。懷抱罄所宣。盛名富事業。無取愧高賢。不以喪亂嬰
保愛金石堅。計拙百寮下。氣蘇君子前。會合苦不久。哀樂本相纏。交遊
颯向盡。宿昔浩茫然。促觴激萬慮。掩抑淚潺湲。熱雲集曛黑。缺月未生
天。白團為我破。華燭蟠長煙。音括昌鵲鷓催明星。解袂從此旋。上請減兵甲。
下請安井田。永念病渴老。附書遠山巔。

蘇大侍御。渙靜者也。旅于江側。凡是不交州府之客。人事都絕
久矣。肩輿江浦。忽訪老夫。舟楫而已。茶酒內。余請誦近詩。肯吟
數首。才力素壯。辭句動人。接對明日。憶其湧思雷出。書篋几杖
之外。殷。留金石聲。賦八韻記異。亦見老夫傾倒于蘇至矣。

龐公不浪出。蘇氏今有之。再聞誦新作。突過黃初時。乾坤幾反覆。
揚馬宜同時。今晨清鏡中。勝食齋房芝。余髮喜却變。白間生黑絲。昨
夜舟火滅。湘娥簾外悲。百靈未敢散。風破寒江遲。

奉贈李八丈曠判官

我丈特英特。宗枝神堯後。珊瑚市則無。駮驥人得有。早年見標格。秀
氣衝牛斗。事業富清機。官曹貞獨守。頃來樹嘉政。皆已傳衆口。艱難
體貴安。冗長吾敢取。區。猶歷試。炯。更持久。討論實解頤。操割紛應
手。篋書積諷諫。宮闕限奔走。入幕未展材。秉鈞孰為偶。所親問淹
泊。泛愛惜衰朽。垂白辭南公。委身希北叟。真成窮轍鮒。或似喪家狗。

秋枯洞庭石。風颯長沙柳。高興激荆衡。知音為回首。

別張十三建封

嘗讀唐實錄。國家草昧初。劉裴首建議。龍見尚躊躇。秦王撥亂安。一劍總兵符。汾晉為豐沛。暴隨竟滌除。宗臣則廟食。後祀何踈蕪。彭城英雄種。宜膺將相圖。爾惟外曾孫。個儻汗血駒。眼中萬少年。用意盡崎嶇。相逢長沙亭。乍問緒業餘。乃吾故人子。童叟聯居諸。揮手洒哀淚。仰看八尺軀。內外名家流。風神蕩江湖。范雲堪晚交。嵇紹自不孤。擇材征南幕。潮落回鯨魚。載感賈生慟。復聞樂毅書。主憂急盜賊。師老荒京都。舊丘復稅駕。大廈傾宜扶。君臣各有分。管葛本時須。雖當

霰雪嚴。未覺栝柏枯。高義在雲臺。嘶鳴望天衢。羽人掃碧海。功業竟何如。

奉送魏六丈佑少府之交廣

賢豪贊經綸。功成空名垂。子孫不振耀。歷代皆有之。鄭公四葉孫。長大常苦饑。眾中見毛骨。猶是麒麟兒。磊落貞觀事。致君樸直詞。家聲蓋六合。行色何其微。遇我蒼梧野。忽驚會面稀。議論有餘地。公侯來未遲。虛思黃金貴。自笑青雲期。長卿久病客。渴武帝元同時。季子黑貂裘。得無妻嫂欺。尚為諸侯客。獨屈州縣卑。南遊炎海甸。浩蕩從此辭。窮途仗神道。世亂輕土宜。解帆歲云暮。可與春風歸。出入朱門家。華屋刻蛟螭。玉

食亞王者樂張遊子悲。侍婢艷傾城。綃綺輕霧霏。掌中琥珀金行酒。
雙逶迤。新歡繼明燭。梁棟星辰飛。兩情願盼合。珠碧贈于斯。上貴見肝膽。
下貴不相疑。心事披寫間。氣酣達所為。錯揮鐵如意。莫避珊瑚枝。始兼逸
邁興。終慎賓主儀。戎馬暗天宇。嗚呼生別離。

幽人

孤雲亦羣遊。神物有所歸。麟鳳在赤霄。何當一來儀。往與惠荀輩。中年
滄洲期。天高無消息。棄我忽若遺。內懼非道流。幽人見瑕疵。洪濤隱語咲。
鼓枻蓬萊池。崔嵬扶桑日。照耀珊瑚枝。風帆倚翠蓋。暮把東皇衣。燕漱元
和津。所思煙霞微。知名未足稱。局促商山芝。五湖復浩蕩。歲暮有餘悲。

送重表姪王珣評事使南海

聘平声 芬制切

我之曾老姑。爾之高祖母。爾祖未顯時。歸為尚書婦。隨朝大業末。房杜
俱交友。長者來在門。荒年自餬口。家貧無供給。客位但箕帚。俄頃羞頗
玕。寂寥人散後。入怪鬢髮空。吁嗟為之久。自陳剪髻繫。市鬻充杯酒。上
云天下亂。宜與英俊厚。向竊窺數公。經綸亦俱有。次問最少年。虬髯十八
九。子等成大名。皆因此人手。下云風雲合。龍虎一吟吼。願展丈夫雄。得辭兒
女醜。秦王時在坐。真氣驚戶牖。及乎貞觀初。尚書踐台斗。夫人常肩輿。
上殿稱萬壽。六宮師柔順。法則化妃后。至尊均嫂叔。盛事垂不朽。鳳雛
無凡毛。五色非爾曹。往者口作送。乾坤沸嗷。吾客左馮翊。爾家同趙

逃争奪至徒步。塊獨委蓬蒿。逗留熱尔腸。十里却呼號。自下所驛馬。右
持腰間刀。左牽紫遊韉。飛走使我高。苟活到今日。寸心銘佩牢。亂離又聚
散。夙昔恨滄。水花笑白首。春草隨青袍。廷評近要津。節制收英髦。北驅
漢陽傳。南泛上瀧江。舫家聲肯墜。地利噐當秋。豪番禹親賢。領籌運神
功。操大夫出盧宋。寶貝休脂膏。洞主降接武。海胡舶千艘。我欲就丹砂。
跋涉覺身勞。安能陷糞土。有志乘鯨鼇。或駮鸞騰天。聊作鶴鳴臯。

入衡州

兵草自久遠。興衰看帝王。漢儀甚照耀。胡馬何猖狂。老将一失律。清邊
生戰場。君臣忍瑕垢。河岳控金湯。重鎮如割據。輕權絕紀綱。軍州體不

一寬猛性所將。嗟彼苦節士。素於圓鑿方。寡妻從為郡。兀者安短墻。
凋敝惜邦本。哀矜從事常。旌麾非其任。府庫實過防。恕已獨在此。
多憂增內傷。偏裨限酒肉。卒伍單衣裳。元惡迷是似。聚謀洩康莊。竟
流帳下血。大降湖南殃。烈火中夜發。高煙燹上蒼。至今分粟帛。殺氣吹
沅湘。福善理顛倒。明徵天莽茫。銷魂避飛鏑。累足穿豺狼。隱忍枳棘
刺。遷延胝趼瘡。遠歸兒侍側。猶乳女在旁。夕客幸脫免。暮年慙激昂。
蕭條向水陸。汨沒隨漁商。報主身已老。入朝病見妨。悠。委薄俗。鬱。鬱。
回剛腸。叅錯走洲渚。春容轉林篁。片帆左柳岸。通郭前衡陽。華表雲
鳥埤。名園花草香。旗亭壯邑屋。烽櫓蟠城隍。中有古刺史。盛才冠巖

廊扶顛待柱石。獨坐飛風霜。昨者間瓊樹。高談隨羽觴。無論再經綬。已
是安蒼黃。劇孟七國畏。馬卿四賦良。門闌蘇生在。勇銳白起強。問罪富
形勢。凱歌懸否臧。氛埃期必掃。蚊蚋馬能當。橘井舊地宅。仙山引舟航。此
行怨暑雨。厥土聞清涼。諸舅剖符近。開緘書札光。頻繁命屢及。磊落
字百行。江總外家養。謝安乘興長。下流匪珠玉。擇木羞鸞鳳。我師松牀
夜。世賢張子房。柴荆寄樂土。鵬路觀翱翔。

舟中苦熱遣懷奉呈陽中丞通簡臺省諸公

愧為湖外客。看此戎馬亂。中夜混黎甍。脫身亦奔竄。平生方寸心。反當
帳下難。嗚呼殺賢良。不叱白刃散。吾非丈夫特。沒齒埋冰炭。恥以風病辭。

胡然泊湘岸。入舟雖苦熱。垢膩可漑灌。痛彼道邊人。形骸改昏旦。中丞
連帥職。封內推得按。身當問罪先。縣實諸侯半。士卒既輯睦。啟行但
精悍。似聞上游兵。稍逼長沙館。隣好彼克脩。天機自明斷。南圖卷雲水。
北拱戴霄漢。美名光史臣。長策何壯觀。驅馳數公子。咸願同代叛。聲節
哀有餘。夫何激哀懦。叶聲偏裨表三上。鹵莽同一貫。始謀誰其問。回首增憤
惋。宗英李端公。守職甚昭煥。變通迫脅地。謀畫焉得算。王室不肯微。
凶徒略無憚。此流須卒斬。神器資強幹。扣寤豁煩襟。皇天照嗟嘆。

題衡山縣文宣王廟新學堂呈陸宰

旄頭彗紫微。無復俎豆事。金甲相排蕩。青衿一憔悴。嗚呼已十年。儒服

弊于地征夫不遑息。學者淪素志。我行洞庭野。歛得文翁身。傷曹子行。若舞風雲至。周室宜中興。孔門未應棄。是以資雅才。渙然立新意。衡山雖小邑。首唱恢大義。因見縣尹心。根源舊宮閤。講堂非曩構。大屋加塗墜。下可容萬人。墻隅亦深邃。何必三千徒。始壓戎馬氣。林木在庭戶。密幹疊蒼翠。有井朱夏時。輾轡凍階_音。耳聞讀書聲。殺代_音。灾髣髴_音。故國延歸望。哀顏減愁思。南紀改波瀾。西河共風味。采詩倦跋涉。載筆尚可紀。高歌激宇宙。凡百慎失墜。

縣呈聶令陸路去方田驛四十里舟行一日時屬江漲泊于方田

耒陽馳尺素。見訪荒江渺。義士烈女家。風流吾賢紹。昨見狄相孫。許公人倫表。前朝翰林後。屈跡縣邑小。知我礙湍濤。半旬獲浩渺_音。麾下殺元戎。湖邊有飛旆。孤舟增鬱鬱。僻路殊悄悄。側驚猿獠捷。仰羨鸛鶴矯。禮過宰肥羊。愁當置清醪。人非西喻蜀。興在北坑趙。方行柳岸靜。未話長沙擾。崔師乞已至。澧卒用矜少。問罪消息真。開顏憇亭沼。
客從

客從南溟來。遺我泉客珠。珠中有隱字。欲辨不成書。緘之篋笥久。以俟公家須。開視化為血。哀今微歛無。

康熙乙未臘月寫於恒齋



東野先生集卷之六

蘇東野先生集卷之六

蘇東野先生集卷之六

客

蘇東野先生集卷之六

蘇東野先生集卷之六

蘇東野先生集卷之六

蘇東野先生集卷之六

蘇東野先生集卷之六



